

12834

Սասնայի դաշտ

291.99

Խ - 16

Թի Թի և
1895

2003

91.542-3

2-16


Handwritten notes in Armenian script, including "Հրատ. «Կովկ. գրավ.» 2. ԳՐԻԳՈՐԵԱՆՑԻ." and other illegible text.

Հրատ. «Կովկ. գրավ.» 2. ԳՐԻԳՈՐԵԱՆՑԻ.

144


ՍԱՍՈՒՆՑԻ ԴԱԻԹ

Դ Ի Ի Ց Ա Ջ Ն.



Հ ի ւ ս ն ց

Յ. ՃԱՂԱՐԲԵԳԵԱՆ.



Գ Ի Ն Ն Ի 20 ԿՈՊԵԿ

Թ Ի Ֆ Լ Ի Ս

Տարսրան Մ. Շարսձէ եւ ընկ. Նիկ. 21.

Tun. M. Шарадзе и К^о Нук. 21

1895

- ողբերգութիւնն 5 դործող, թարգմ. Գ. Բարխուդարեան. — 60
23. — Վարդարան — ի պէտս վարժու-
թեան տեւահասակ մանկանց: Աշ-
խատասիրութիւնն երից երկու եղ-
բարց Գ. և Ս. Սկանդարեանց և
ընկերի նոցա պ. Ղահր. Մելի-
քեանց, թարգմանութիւնն Ը. մեծի
մասին ՚ի պարսկերէնէ — 20
24. Խատիսիանց. Գարբ—սէր, հայ երեխանցը
ընծայ. հատր ա — 40

891.542-3

2-16

u.w

Հրատարակ. «Կովկ. գրավաճառ.» Զ. ԳՐԻԳՈՐԵԱՆՑԻ.

ՍԱՍՈՒՆՑԻ ԴԱԻԻԹ

Դ Ի Ի Յ Ա Ջ Ն.

14997

Հ ի ւ ս ե ց


Յ. ՃԱՂԱՐՔԷԳԵԱՆ.



Թ Ի Ֆ Լ Ի Ս

Տպարան Մ. Շարաձէ եւ ընկ. || Կառ. Մ. Սարաձէ և Բ°.

1895



Дозволено цензурою, Тифлисъ, 27 Марта,
1895 г.

ՍԱՍՈՒՆՑԻ ԴԱԻԹ

ԱՌԻԻԾԱԶԵԻ ՄՀԵՐ

Ընչպէս արծիւն օդի մէջ իշխում, ինչպէս արևը պայծառ աստղերի մէջ թագաւորում, այդպէս էր ՄՏԵՐը բոլոր պետերի, իշխանների մէջ: Կայծակի թուրը իւր ձեռքին բռնած՝ ընկճում, խորտակում էր ամեն չար բան, պահում, պաշտպանում՝ ինչ որ բարի էր: Նստում էր նա իւր Սասուն քաղաքում. այդտեղից սարսափ օտարին ազդում: Ոչ ոք չէր կարող նրա դէմ կանգնել. ո՛չ միայն մարդիկ, այլ դև և վիշապ, գազան կատաղի նրա հարուածին չէին դիմանալ:

Ինչպէս երկնքից կայծակ է թռչում, ջրնջում, կործանում՝ ինչի որ դիպչում, այդպէս էր ՄՏԵՐը Սասունից իջնում և իւր թշնամուն հողմոսիւր գարձնում:

Այրերի միջին ապրող դևերը նրա անունիցն էին սարսափում. գահերի վրայ նստած պետերը «ՄՏԵՐ» լսելիս՝ դողում, սարսուում:

Իեռ նա փոքր էր, տասրտարեկան. դէպ Սասուն տանող լեռնուղու վրայ առիւծ երեւաց, ահռելի վիշապ: Ոչ ոք Սասունից չէր կարող դուրս գալ. ոչ մի մարդ Սասուն չէր կարող գնալ: Վիշապն ամեհի ամենքին բռնում է, հուպ տալիս, լափում:

Եւ Սասունի մէջ թանգուլթիւն ընկաւ. հացը կտրուեց. ինչպէս մանգաղը արտն է հնձում, այդպէս էր սովը մարդկանց կոտորում:

Մհերը մի օր իւր հօր մօտ եկաւ և այսպէս խօսեց.— Հայրիկ, ինչո՞ւ է հացը կտրուել. ինչո՞ւ սասունցիք այսպէս փակուել են իրանց քաղաքում: Ինչո՞ւ մեր դրսի գիւղքաղաքներից ցորեն չեն բերում:

«Ո՛րդի, վիշապ է ճամբին լոյս ընկել. ով անց է կենում՝ բռնում է լափում»:

— Հայրիկ, հեռուից է մարդկանց վնասում, թէ՛ մօտենալիս է բռնում, ուտում:

«Հեռուից չէ կարող մարդկանց վնասել, ով մօտենում է, նրան է ուտում»:

— Որ այդպէս է, հայր, առաւօտը վաղ ես դուրս կգնամ, կուռեմ նրա հետ. տեսնեմ՝ ինչպէս է նա ինձ վնասում:

«Որդեակ, ոչ մի նետ նրան չի ազդում, գուր է գնալդ. նա քեզ էլ կուտի»:

Մհերը հօրը ականջ չդրեց. առաւօտը վաղ տանից դուրս եկաւ, առիւծին գնաց:

Քաղցած էր վիշապը. մի քանի օր էր, որ այն տեղերքով մարդ չէր անց կացել: Կատաղած էր նա. աչքեր կարմրել, արնով են կալուել: Ոռնում է, գոռում, սարսափ տարածում: Նրա ահիցը մեծ անտառի մէջ էլ ձայն չէ լսում. ո՛չ մի շնչաւոր էլ չէ երեւում: Թռչունը քաշուել, իւր բոյնն է մտել. գազանը փախել, իւր որջում պահուել:

Վիշապը տեսաւ՝ ահա հեռուից հաստատուն քայլով առաջ է գալիս մատղահաս տղայ: Երբ որ մատղահաս տղան մօտեցաւ կատաղած գազանին, սա մի պինդ գոռաց, ահռելի ձայնով թնդաց, որոտաց. տեղից վեր թռաւ, նրա վրայ ընկաւ:

Իրար բռնեցին. Մհերն ու վիշապ իրար բռնեցին և քաշքշեցին: Վիշապի գլխից Մհերը բռնեց, կատաղի թափով որ գետին դարկեց, գետինը պատռուեց, նա մէջը խրուեց. ապա վրա հասաւ, ծնօտից բռնեց, ճղեց ու քաշեց մի կողմ շպուտեց:

Եւ այդ օրուանից անունը մնաց Առիւծաձև Մհեր:

Դ Ա Ի Ի Թ

Մհերը ծերացաւ: Ամեն կողմով գոհ էր, երջանիկ, բայց մի ցաւ ունէր. այդ այն էր, որ ժառանգ չունէր.— ահա մեռնելու ժամանակս է, մտածում էր նա, «իմ ժառանգն ո՞վ է. ո՞վ պէտք է ինձնից յետոյ տէրութիւն անէ իմ ազգին եւ երկրին»:

Երկնքից հրեշտակ իջաւ, Մհերին ասաց.— Մհեր, եթէ քեզ զաւակ լինի, դու էլ կըմեռնես, քո կիներն էլ:

Ասաց. «Մենք որ կանք, մեռնելու ենք, բայց որ մեզ տղայ լինի, մեր անունը չի կորչիլ, մենք էլ կըյիշուինք»:

Տարին լրացաւ, Մհերը մի որդի ունեցաւ. անունը դրին Դաւիթ: Մհերը կտակ արաւ, ասաց.— Իմ տղին Մսրը կըտանէք, Մսրամելիքի մօրը՝ Իսլիմ խանումին կըտաք. նա ծիծ կըտայ, կըպահի: Երբ որ ծծից կըկտրուի, այն ժամանակ, եղբայր Ջէնով Յովան, դու կըբերես, հայրութիւն կանես. նրա մեղքն ու վարձը քո վի-

զը. քանի կարող ես, լաւ պահիր, որ Սասնու
ճրագը չանցնի:

Կտակ արաւ, պրծաւ, նոյն օրը մեռաւ:
Մեռաւ եւ կինը:

Դ Ա Ի Ի Թ Ը Մ Ս Ր Ո Ի Մ .

Զէնով-Յովանը ելաւ, Դաւթին վերցրեց,
Մսրը քաղաքը տարաւ, Իսլիմ-խանումին յանձ-
նեց, ինքը յետ դարձաւ:

Իսլիմ-խանումը Դաւթին ծիծ պիտի տար.
Երեք օր, երեք գիշեր անցաւ, Դաւիթը բան
չկերաւ, նրա ծիծը չծծեց:

Մսրամելիքը նիզակ խաղալուց եկաւ. մայ-
րը կանգնեց, նրան ասաց.—Երեք օր, երեք
գիշեր կայ՝ այս տղան իմ ծիծը չի ուտում:
Քաղցած պիտի մեռնի, մենք ամօթով պիտի
մ'նանք: Այժմ ինչ անենք, ինչպէս այս տղին
պահենք:

Մսրամելիքն ասաց. «Մայրիկ, այդ ազգը
հաստակող ազգ է, մեր գլխին ցաւ պիտի լի-
նի. բայց ինչ անենք, ընկե՛լ ենք, պիտի տա-
նենք, էլ ճար չկայ: Դրա հայրը մեծ հարըս-
տութիւն ունի, մարդ ուղարկիր, մի բեռը մեզը,
մի բեռը կարագ բերել տուր, իւզ ու մեզը չի-

նիր, կտաս՝ տղան կուտի, մենք էլ պարզերես
հայի փորձանքից կալըրծենք»:

Մայրն ասաց.—Ո՛րգի, ի՛նչ ցաւ, ի՛նչ փոր-
ձանք,—սա քեզ եղբայր պիտի լինի:

Ասաց.—Դա ինձ եղբայր չի լինիլ, ինչ
վնաս որ ինձ պատահի, դրանից պիտի լինի:

*
*
*

Իսլիմ խանումը մարդ ուղարկեց Սասուն,
մէկ բեռը մեզը, մէկ բեռը կարագ բերաւ: Մե-
զըր ու կարագով Դաւթին կերակրեց երեք տա-
րի: Երեք տարեկան որ եղաւ, Դաւիթը տանից
դուրս եկաւ: Ամեն օր տանից դուրս էր գա-
լիս, ութ, ինն, տասը տարեկան որքան տղայ
էր տեսնում, առնում էր հետը, գնում էր նը-
րանց հետ խաղալու:

Մի անգամ էլ գնացին վէգ խաղալու: Ըն-
կերները մեծ մեծ տղերք էին, տասն տասներ-
կու տարեկան. Դաւիթը փոքր էր, երեք տա-
րեկան: Վէգի վրայ անհամաձայնութիւն ընկաւ
մէջները, կռուեցին: Որի թեւն ընկաւ Դաւթի
ձեռքը, թեւը թռաւ. որի ոտքն ընկաւ՝ ոտքը
կոտրուեց: Երեք տղի թեւեր թռան, երեք տը-
ղի ոտքեր կոտրուեցան:

Դրանք տուն գնացին, իրանց ծնողներին

ասացին.—Մսրամեղիքի տանը մի որբ տղայ կայ. նա մեր ձեռք ու ոտքը ջարդեց:

Ծնողները գնացին, Մսրամեղիքին գանգատ արին: Մեղիքը շատ բարկացաւ, վեր կացաւ, Դաւթին բռնեց, պիտի սպանէր: Մայրը չթողեց, ասաց.— երեխայ է, խեղքը բան չի կտրում:

Այդ օրն այդպէս անցաւ:

Միւս օրն Մսրամեղիքը մօրն ասաց.— Մի թողնիր գնայ, երեխաների հետ խաղայ:

Մայրն առաւօտը վեր կացաւ, Դաւթին քնած թողեց, տան դուռը վրան կողպեց, գընաց: Քիչ յետոյ Դաւիթը դարձնեց, տեսաւ դուռը կողպած է: Ձեռքը տուաւ, դուռը կրքնկահան արաւ: Դուրս եկաւ, կանչեց ընկերներին, ժողովեց, պարտէզ տարաւ: Ի՞նչ անի Դաւիթը, որ լաւ լինի. մի բարգի ծառ բռնեց, կրուացրեց, ծայրը գետնին կպցրեց. կանչեց ընկերներին, ասաց.— «Տղերք, եկէք ծառը հեծնենք:

Տղերքը հաւարուեցան, ուրախ-ուրախ ծառը հեծան: Դաւիթն էր, այնտեղից ծառի ծայրը բաց թողեց. ծառը կանգնեց, հեծեալներին այս ու այն կողմ շարտեց: Երեք հոգի մեռան. մ'նացածներից որի գլուխը կտրուեց, որի մէջքը, որի ոտը, ամենքը վիրաւորուեցան: Եկան հաւարուեցին, վիրաւորներին ծնողների մօտ, մեռածներին մզկիթի դուռը տարին:

Իրիկուն մոլլէն եկաւ, դիակները տեսաւ, հարցրեց— ինչից մեռան սրանք:

Պատասխանեցին.— «Մսրամեղիքի տանը մի որբ տղայ կայ. այս երկրորդ անգամն է, որ խաղալիս մեր երեխաներին կոտորում է»:

Մոլլէն թուղթ գրեց Մեղիքին.— կամ այդ տղային սպանիր, կորցրու, կամ մենք վեր կենանք, մեր տները աւերենք, գնանք:

Մսրամեղիքը տուն եկաւ, թուղթը կարդաց.— Երեք իշխան մարդու որդի է սպանել այդ որբը, կամ դրան սպանիր, կորցրու, կամ մենք վեր կենանք, մեր տներն աւերենք, գընանք:

Մեղիքը թուրը քաշեց, որ Դաւթին սպանի. «Պիտի սպանեմ, իմ հացն ու ջուրը կըտրեց, մի որբ տղի համար մէկ քաղաք չեմ աւերիլ:

Մայրը մէջ ընկաւ, ընդդիմացաւ. «Չպէտք է սպանես:

— Անկարելի է, պիտի սպանեմ:

Մայրն ասաց. «Խեղքը բան չի կտրում, երեխայ է, դրան սպանելը մեղք է»:

Մսրամեղիքն ասաց.— Երեխայ չէ, խեղքը հասնում է, բայց հաստակող է, դիտմամբ է անում:

Ասաց. «Ո՛րդի, որ այդպէս է, արի փորձենք:

Ասաց.—Ի՞նչպէս պիտի փորձենք:

Մայրն ասաց. «Առաւօտը մէկ սինի կրակ, մէկ սինի ոսկի կրքերեմ, Գաւթի առջեւը կը դնեմ. թէ Գաւթը ձեռքը դէպի ոսկին տարաւ, ուրեմն խելքով է, դիտմամբ է սպանել. իսկ թէ տարաւ դէպի կրակը, ուրեմն երեխայ է, խելքը բան չի կտրում»:

Գիշերն անցաւ. լոյսը բացուեցաւ: Մէկ սինի կրակ, մէկ սինի ոսկի բերին դրին Գաւթի առջեւ: Ձեռը մեկնեց Գաւթը, պիտի տանէր դէպի ոսկին: Ատժու հրամանով երկնքից հրեշտակ իջաւ, Գաւթի ձեռը շուռ տուաւ, դէպի կրակը տարաւ: Կրակ կպաւ մատին, մատն այրուեց. տուաւ լեզուին, լեզուն էլ այրուեց. որ լեզուն այրուեց, քիչ լալ դարձաւ: Անունը մ'նաց Թլոր-Գաւթ:

Մայրն ասաց.—Ո՛րդի, տեսա՞ր որ խելքը բան չի կտրում:

Մեղիքն ասաց.—Ապա ի՞նչ անենք:

Ասաց.—Ի՞նչ պիտի անես. երբ որ գնում ես հոլ խաղալու, սրան էլ հետդ տար, քո եղբայրն է, տար, այնտեղ խաղ անի, աչքդ էլ վրան պահիր:

Ասաց. «Մայրիկ, ինձ հետ կըտանեմ, բայց հաստակող ազգից է, վախենում եմ, մի փորձանք բերի մեր գլուխը»:

Մարմեղիքը մօր խօսքը գետնովը չըտուաւ, առաւ Գաւթին ու գնաց: Եկան քաջերըն ու պահաւանները, իրանց տեղերը բռնեցին: Մեղիքը Գաւթին դաշտի մէջ ջոկ տեղ նստեցրեց: Խաղը որ սկսեցին, Գաւթը վեր կացաւ, գնաց հոլտուն մտաւ, այնտեղ նստեց: Մարմեղիքն եկաւ, շատ խնդրեց աղաչեց, որ այնտեղից դուրս գայ, Գաւթը դուրս չեկաւ: Նա բարկացաւ.—Երեխայ տեղովը մեզ ընկեր է դառել. գնամ այնտեղից հոլը զարկեմ, որ դիպչի, միանգամից սպանի:

Գնաց եւ հոլը զարկեց: Գաւթը ձեռը տուաւ, հոլը յետ դարձրեց. հոլը դիպաւ, շատ ձիաւորներ սպանեց: Այդ օրուայ ուրախութիւնը սգի փոխուեց:

* * *

Մարմեղիքը Գաւթին առաւ, տուն եկաւ. «Մայրիկ, ասաց. դու ինձ իմ ազգի մէջ սեւերես արիր: Այդ սղային այժմ պիտի սպանեմ»:

Մայրն ասաց.—Ո՛րդի, որ սպանում ես, գոնէ դու մի սպանիր, որ մեզքը վզիդ չընկնի: Երկու քաջերի հետ իւր հայրենական տունն ուղարկիր: Մուրազ չային որ կըհասնեն, Բաթ-

մանայ կամրջի վրայ քաջերը թող նրա գլուխը կտրեն, գետը զձեն:

Քաջերն առան Դաւթին, գնացին: Դաւթին էլ նրանց ահանջ չի դնում. լոր է տեսնում՝ բռնում է, նստաւստակ է տեսնում՝ սպանում է: Քաջերն ուղիղ ճանապարհովն էին գրնում, Դաւթին ճանապարհից դուրս՝ խաղալով, վազվզելով:

Գնացին, գնացին, Մուրադ-չային հասան: Բաթմանայ կամրջի վրայ քաջերը կանգնեցին: Դաւթի՞ յետեւից եկաւ, ասաց.— Ի՞նչն էր կանգնել:

Ասացին. «Գլխիդ-արեւիդ մատաղ, Դաւթ, վախենում ենք, այստեղ քեզ մի փորձանք կը պատահի. եկ առաջ քեզ անցկացնենք»:

Ասաց.— Զէ, մի վախենար, գնացէք, ես ձեր յետեւից կը գամ:

Նրանք ասացին. «Զէ, մեզնից մէկն անցնի, միւսը յետ մնայ, մէջտեղից դու եկ:

Ասաց.— Որ այդպէս է, թող ձեր խօսքը լինի:

Տէնց որ Դաւթի՞ կամրջի կէտն անցաւ, առջեւի մարդը յետ դարձաւ, յետեւինն էլ վրայ հասաւ. Դաւթին բռնեցին, որ սպանեն, գետը զձեն: Դաւթի՞ մէկ ձեռը տարաւ, մէկ մարդուն բռնեց, մէկն էլ մեկնեց՝ միւսին բռ-

նեց. կամրջի վրայ դրեց, շիբից դանակը հանեց, որ սպանի:

Մէկն ասաց.— Դաւթ, ես որ կամ, քո հօր հացն եմ կերել, քո հօր սփռոցի վրայ եմ մեծացել:

Միւսն ասաց.— Մենք մեզը չունենք, Դաւթ. Մսրամոլիքը մեր տէրն է. նա հրամայեց, թէ Դաւթին տարէք, սպանեցէք, գետը զձեցէք:

Դաւթի՞ խղճաց նրանց վրայ, բաց թողեց: Նրանք մի շուն սպանեցին, արիւնը Մսրամոլիքին տարին, ասացին.— «Դաւթին սպանեցինք, այս էլ նրա արիւնը»: Մսրամոլիքն ուրախացաւ, առաւ արիւնը, խմեց, ասաց.— Սա պիտի իմ գլխին ցաւ դառնար:

Դ Ա Ի Թ Ը Ն Ո Վ Ի Ի

Դաւթը Մասուն եկաւ: Զէնով-Յովանը ուրախացաւ, գլուխն համբուրեց, փառք տուաւ Աստծուն, փառք անմահ թագաւորին. «Մեր տղան եկաւ, իւր հօր տեղը կը բռնի»: Բերաւ պողպատէ սուլ ¹⁾ կարել տուաւ, պողպատէ կոռ ²⁾ շինել տուաւ, Դաւթին գառնարած արաւ: Դա-

¹⁾ Կօշիկ:

²⁾ Յուպ:

ւիթը պողպատէ սողերն հագաւ, պողպատէ կո-
ռը ձեռքն առաւ, գառներն առջեւ արեց, դաշ-
տը տարաւ: Դառները թողեց դաշտին մէջ:
Դաշտի մէջ այս ու այն կողմն ընկաւ, որքան
ազուէս, նապաստակ, գայլ, տեսակ-տեսակ ջա-
նաւարներ կային՝ քշեց, գառների մէջ արաւ,
իրիկունը քաղաք բերաւ: Քաղաքացիք որ տե-
սան՝ վախեցան. դռները փակեցին, դուրս չե-
կան: Դաւիթը գլուխը գետնին դրաւ, քաղա-
քից դուրս՝ հանդի մէջ քնեց:

Առաւօտը Ձէնով-Յովանը Դաւիթի մօտ գը-
նաց. նայեց, տեսաւ, այնքան ման է եկել սա-
րերը, պողպատէ սոլը մաշուել է, պողպատէ
կոռը կտրտուել է: Ասաց. — Դաւիթ, ի՞նչպէս ես:

Ասաց. «Տօրեղբայր, այն սեւ ուլերն օրհ-
նած են, այն գորշագոյն ուլերն անիծած են.
Նրանք ինձ շատ են չարչարում»:

Տօրեղբայրն ասաց. — Գորշագոյն ուլերի ե-
տեւից մի գնար, նրանք անիծած են, որոնք
մ'նում են՝ այն բեր:

Քիչ անցաւ, Տօրեղբայրը Դաւիթին նախ-
որդ արաւ: Դաւիթը նախիրը քշեց, սարը գնաց:
Այս անգամ մեծ մեծ գաղաններ կային՝ առիւծ,
վագր, արջ, գայլ, բերաւ, նախրի հետ խառնեց,
առջեւն արեց, իրիկունը քաղաք բերաւ:

Յովանը նայեց, տեսաւ՝ նախիրը գալիս է

հեռուից, բայց այնքան տաւար չկայ, որքան
գայլ, արջ, առիւծ ու վագր: Մոռնեակին կան-
չեց, ասաց. — Կանչիր, թող ամեն մարդ իւր
դռներն ու երդիկները պնդի, քանի որ տաւա-
րը չի եկել: Տաւարի հետ առիւծներ, վագրեր,
գայլեր ու արջեր են գալիս, ով որ տեսնի, սիր-
տը կըստառուի, կմեռնի: Թող դռներն ու
երդիկները կողպեն, մինչեւ մութը կալտի,
գաղանները սարը կըաշուին ու քաղաքացիք ի-
րանց տաւարը կտանեն, կգոմեն:

Քաղաքացիք դռներ, երդիկներ պնդեցին,
ոչ որ դուրս չեկաւ: Դաւիթ եկաւ, նախիրը
բերաւ. քաղաքը գաղաններով լցուեցաւ: Կան-
չեց Դաւիթն, ասաց:

- «Բաց արէք ձեր դռներ, բաց արէք,
- «Ում մէկն էր՝ երկու եմ արել,
- «Ում երկուսն էր՝ չինել եմ ութ,
- «Ում տասն էր՝ արել եմ քսան,
- «Ում քսանն էր՝ քառասուն,
- «Ում քառասուն էր՝ արել եմ յիսուն,
- «Ում յիսուն էր՝ արել եմ հարիւր:

Գուռը ոչ որ բաց չարեց:

Դաւիթը կանչեց. — Օրհնեալ բարերար Աս-
տուած, խնդրում եմ՝ հրաման անես, որը սուրբ
է՝ այստեղ մ'նայ, որը սուրբ չէ, իւր տեղը
գառնայ:

1001
14997



Դադանները ջոկուեցան, գնացին, քաղա-
զարացիք դուրս եկան, իրանց տաւարը տարին:

*
*
*

Առաւօտը Դաւիթը վեր կացաւ, նախիրն
առաւ, սարը գնաց: Մէկ էլ տեսաւ, որ մի
ուրիշ գիւղից էլ նախիր եկաւ այդտեղ: Գնաց
այն նախիրը քշեց, բերաւ, իւր տաւարի հետ
խառնեց: Նախորդն եկաւ, ասաց. — Դաւիթ,
այդ տաւարն իմն էր, ինչո՞ւ քո նախրի հետ
խառնեցիր:

Ասաց. — Չէ, այդ իմ երեկուայ նախրիցն
է այստեղ մնացել:

Ասաց. — Չէ, Դաւիթ ջան, իմ տաւարն է,
քոնը չէ:

Դաւիթը սիրեց նրան. եղբայրացան:

Նա ասաց. — Դաւիթ, դու քեզ համար քը-
նիր, ես տաւարը կըսպահեմ, իրիկունը քո ա-
ռաջը կանեմ, կըտանես:

Մի հով տեղ շինեց, Դաւիթը մէջը մտաւ,
քնեց:

Եւ այդ օրը ճիշտ ժամանակին Դաւիթը
տոռն եկաւ. առաջ կամ շուտ էր գալիս, կամ
ուշ: Ուրախացաւ Չէնով-Յովանը, ասաց.

— Ո՛րդի, ահա միշտ այդպէս աչքաբաց ե-
եղիր, ժամանակին գնա՛ ու արի:

Դաւիթն ասաց. «Նօրեղբայր, այդ իմ շնորհ-
քը չէ: Ես մի եղբայր եմ բռնել, որ իմ հոր-
թերը պէտք է պահի, ես էլ իրան պիտի պահ-
պանեմ:

*
*
*

Մի օր Դաւիթի ընկերն ուշացաւ. Դաւիթը
շատ նեղացաւ: Դու մի ասիր, դրանց գիւղումը
ցասման ժամ է, պատարագ է, տղան այդ պատ-
ճառով է ուշացել: Որ եկաւ, Դաւիթն ասաց.

«Այսօր դու իմ ձեռքից ի՞նչպէս պիտի ա-
զատուիս»:

Տղան ասաց. — Դաւիթ, քո ահից այնտեղ
չմնացի, ցասման ճաշից մի գդալ էլ չկերայ.
հորթերը քշեցի ու եկայ: Բայց ի՞նչ անեմ, էլի
ուշացել եմ:

Դաւիթն էր, խղճաց ընկերին, ասաց. «Դու
այդտեղ նստիր, ես գնամ, քո բաժին ճաշը բե-
րեմ:

Դադանակն ուսին դրաւ, գնաց: Գնաց տե-
սաւ, որ հարիսէքը հանել, կալումն են դրել.
երէցներն էլ եկել, օրհնում են: Դաւիթը դա-
դանակը մի շորս կանթանոց լիքը պղնձի կան-

Թերը դցեց, ուսեց ու յետ դարձաւ: Զարմացան ամենքը, որ այնտեղ էին. մէկը կանչեց: — Դա մեր պղինձը տարաւ՝ է:

Երէցն ասաց. «Ի սէր Աստծու, ձայն մի հանիր: Դա Սասնու գժերիցն է. յետ կգայ, ամենքիս ջարդ ու փշուր կանէ, թող տանի, իւր գլուխն ուտի»:

Դաւիթը հարիտով լիքը պղինձն ուսին՝ ընկերի մօտ է գալիս: Եկաւ, տեսաւ՝ ընկերը նըստել, լաց է լինում:

Դաւիթն ասաց. — Տէյ, հէյ, գիտեմ ինչու ես լաց լինում. ճաշդ բերել եմ, բայց աղ ու իւղ չեմ բերել: Վնաս չունի, հիմի ճաշդ կեր, իրուկունն էլ աղն ու իւղը կուտես:

Տղան ասաց. «Դաւիթ, աղն ու իւղն ինչ եմ անում. քառասուն դեւ եկան, հորթերն առան, քչեցին, գնացին»:

Դաւիթն ասաց. — Դու այդտեղ կաց, այդ մնացած հորթերին մտիկ արա, ես գնամ միւսները բերեմ:

* * *

Եւ հորթերի ետեւն ընկաւ, գնաց: Հետքը բռնած գնաց, մի այրի դռան առաջ կանգնեց: Հատկացաւ, որ այդտեղ են բերուած հորթերը:

Դաւիթն այդտեղ անհարկու ձայնով գոռաց: Սարսափը դեւերին պատեց: Դեւերի մեծը որ յսեց, ասաց. — Այս առիւծածեւ Մհերի տղան է. վեր կացէք, նրան յարգանք ու պատիւ տուեցէք, լաւ ծառայեցէք, թէ չէ մեզ ամենիս կկոտորի:

Մէկ մէկ դուրս եկան. Դաւիթը մէկ մէկ դագանակ զարկեց, ամենքի գլուխը գնաց: Այդ քառասունի ականջները կտրեց, մի քարի տակ պահեց: Յետոյ դագանակով այրի դուռը կըրնկահան արաւ, ներս մտաւ: Տեսաւ մի տեղ ոսկի է պիզած, մի տեղ՝ արծաթ: Այն օրից, որ Մհերը մեռել է, այդ դեւերը աշխարհն անտէր են գտել, աւերել, թալանել են ու բերել, այրը լցրել: Մի դուռ էլ բաց արեց Դաւիթը, մի ձիու քուռակ տեսաւ: Ինքն իրան խօսեց ու ասաց. — Չէնով-Յովան, այս գանձն ու հարըստու թիւնը քեզ, այս անասունն ինձ լինի, տալիս ես՝ տուր, չես տալիս՝ քեզ էլ դրանց օրին կհասցնեմ:

Ապա ինքն իրան պատասխանեց. — Որդի, գանձն ու հարստութիւնն էլ քեզ, անասունն էլ, ես ի՞նչ եմ անում:

Դարձաւ տեսաւ, որ օճախի վրայ քառասուն կանթանոց մի անագին պղինձ գրած, քառասուն հորթ էլ մէջը: Դագանակը կանթերի մէջ մտցրեց, պղինձը վերցրեց. ջուրը դա-

տարկեց. հորթերի ոտքերն ու կաշիքն էլ մէջըն ածեց, շալակեց ու գնաց գիւղը: Տեսաւ հացկերոյթը վերջացել է, քահանայքը հացը օրհնում են:

Ասաց.— Սպասեցէք, բան եմ ասում:

Կաշիքը հանեց, գետնին թափեց: Եկան գիւղացիքը. ամեն մէկը իւր տաւարի կաշին ճանաչեց:

Ասաց.— Այդ պղինձն էլ տարէք. ծախեցէք, տաւարի մսի տեղ ձեր մէջ բաժանեցէք: Եթէ իմ եղբօր վարձը մի կորեկի չափ կտրէք, կգամ, ձեր գիւղը կաւերեմ:

Ասացին.— Դաւիթ, ձեռք վեր առ մեզնից, թէ Աստուած կսիրես. մենք քո եղբօր վարձը չենք կտրիլ:

Դարձաւ, ընկերի մօտ եկաւ: Տեսաւ, նա դեռ լաց է լինում: Ասաց.— Եղբայր, մինչեւ երբ պէտք է լաց լինես:

Ասաց.— Ի՞նչ անեմ. իմ նախրից քառասուն կով են տարել. ես լաց չլինեմ, հասաւ ո՞վ լաց լինի:

Դաւիթն ասաց.— Տարել եմ, կաշիքն ու մսի գինը տէրէրին եմ տուել. պատուիրել եմ, որ քո վարձից մի կորեկի չափ էլ չկտրեն, թէ չէ՝ իրանց գիւղը կաւերեմ:

Ասաց.— Դէ վեր կաց, իմ տաւարը ջոկիր, ես գնում եմ:

Ասաց.— Դեռ կէս օր է, ո՞ւր ես գնում:

Ասաց.— Չէ, ես գնում եմ:

* * *

Եկաւ, Չէնով-Յովանին ասաց.— Չէնով-Յովանի, վեր կաց, քսան ջորի առ, գնանք այնքան հարստութիւն բերենք, որ դու էլ ուտես, քո եօթը պորտն էլ:

Առան ջորիքն ու գնացին: Գնացին, մօտեցան այրին: Չէնով-Յովանը տեսաւ, որ դեւերը թափուած այրի դռան առաջ, այնպէս են ինչպէս մի մի բլուր: Նա վախեցաւ, ջորու գլուխը դարձրեց ու փախաւ:

Դաւիթն ասաց.— Տեսաւ, ես ողջ ողջ դեւերից չվախեցայ, դու մեռելներից ի՞նչ ես փախչում:

Բայց Չէնով-Յովանը մի գլուխ փախչում է:

Դաւիթը կանչեց.— Նօրեղբայր, թէ չես հաւատում, յետ դարձիր, այդ քարը բարձրացրու ու նայիր, ամենքի ախանջները այդտեղ եմ թափել:

Յովանն այդ որ տեսաւ, հանգստացաւ, դարձաւ, ջորիներն առաւ ու այրը մտաւ: Ինչ

կար չկար ժողովեցին, ջորիները բեռնեցին:

Ասաց.— Ձէնով-Յովան, այդ գանձն ու հարստութիւնը քեզ, այս քուռակն ինձ լինի. տալիս ես՝ տուր, չես տալիս, քեզ էլ սրանց օրին կը հասցնեմ:

Նա ասաց.— «Ո՛րդի, գանձն էլ քեզ, քուռակն էլ. ես ինչ եմ անում»:

Դաւիթն այդ որ լսեց, ուրախացաւ, հեծաւ քուռակը. մէկ այս կողմ քշեց, մէկ այն կողմ: Յետոյ ապրանքով ու բեռներով Սասուն եկան:

Ձէնով-Յովանը Դաւթին տուն բերաւ, հացի ու կերակրի բանալիները նրան տուաւ, ասաց.— Ինչ հիւր որ գայ, կընդունես, հաց կը տաս՝ կուտի, ճանապարհ կղնես:

* *

Այսպէս անցաւ մի երկու ամիս: Ձէնով-Յովանի կնիկ Սառան չարհոգի կին էր: Դաւիթը սիրուն ու գեղեցիկ տղայ էր. Սառան աչք էր դրել Դաւթի վրայ: Մի անգամ ջուր վերցրեց, տարաւ, որ լողանայ. Դաւթին էլ կանչեց, որ ջուրն ամի: Դաւիթն ամաչեց. աչքերը փակեց, որ հօրեղբօր կնոջ մերկութիւնը չտեսնի: Եւ այդպէս նրա գլխին ջուր ամեց:

Սառան որ գլուխը լուացաւ, բարձրացաւ, տեսաւ՝ Դաւիթն իւր աչքերը բռնել, փակել է. լաց եղաւ, գլուխը ծեծեց, երեսը պատռեց, մազերը քրքրեց: Եւ այդպէս՝ տխուր ու սգաւոր գնաց, տանը նստեց, մինչեւ Ձէնով-Յովանը եկաւ: Հարցրեց.— Ա՛յ կնիկ, քեզ ի՞նչ է պատահել:

Կնիկն ասաց. «Ի՞նչ պիտի պատահի: Ես կարծում էի, թէ Դաւթին ինձ համար որդի ես բերել. չէի կարծում՝ թէ դու գնացել, ինձ համար մարդ ես բերել:

Ասաց.— չէ՛յ կնիկ, այդպէս չի, դու ինձ խաբում ես:

Կնիկն ասաց. «Ձեմ խաբում. եկաւ, ձեռն տուաւ ինձ, ես թոյլ չտուի»:

—Որ այդպէս է, ասաց Ձէնով-Յովան, իրիկուն դուռը փակենք, ներս չթողնենք:

Իրիկունը Ձէնով-Յովանը դուռը պնդեց, Դաւթին տուն չթողեց:

Դաւիթն ասաց.— չօրեղբայր, կարող էի այնպէս զարկել, որ դու էլ, քու դուռն էլ գետնի տակ անդունդը խրուէք, բայց ինչ անեմ, վատ կնոջից խաբուած ես:

ԴԱԻԻԹԸ ԳՐԱԻՈՒՄ Է ԻՒՐ ՀՕՐ ՈՐՄԻ ՍԱՐԸ.

Դաւիթն իրեն համար նետ ու աղեղ շինեց, քուռակը հեծաւ, գնաց որս անելու: Գնաց մի պառաւի կորեկի արտ մտաւ. լոր ու ճնճղուկ է որսում:

Պառաւն իմացաւ այդ, արտն շտապեց. տեսաւ, որ Դաւիթը արտը տրորել, փշացրել է: Բարկացաւ, ասաց. «Դաւիթ, գրողը քեզ տանի, մահը քեզ տանի, իմ ապրուստն այդ մի արտ կորեկն էր, այն էլ փշացրիր: Որս ես ուղում, գնա՛ք Տօր որսի սարը, վայրի ոչխար կայ, այծ կայ, եղջերու կայ, գնա՛, այն սպանիր. ի՛նչ ես լորի ու ճնճղուկի ետեկից ընկել:

Ասաց.— Պառաւ, հողուղ-արեւիզ մատաղ, որտեղ է այդ սարը, ինձ ցոյց տուր:

Ասաց. «Գնա՛ քո հօրեղբայր Զէնով-Յովանի մօտ, քեզ կասի:

Գնաց Դաւիթը, հօրեղբօրն ասաց լացով.
«Հայրագո՛ւթ հօրեղբայր, հայր չունեմ, ինձ հայրութիւն արա.

«Մե սարն եմ տեսել, բարձր բուրգերով, կոլոր բուրգերով.

«Թէ ճիշտ սիրում ես դու քո Աստուծուն,

«Գնանք, որս անենք, գնանք, որս անենք»:
Հօրեղբայրն ասաց.— Ո՛րդի, Մհերը որ մեռաւ, Մսրամելիքն այդ սարը մեր ձեռքից առաւ. էլ չենք համարձակուում մենք այնտեղ գնալ:

Ասաց.— Հօրեղբայր, դու ինձ ցոյց տուր, ես մեր սարը գնամ, թող Մսրամելիքը գայ, ինձ սպանի:

Ասաց.— Դաւիթ, որ այդպէս է, էգուց մնա՛, միւս օրը կգնանք:

Առաւօտը Դաւիթը քնից գարթնեց, վեր կացաւ, պառաւի մօտը գնաց, ասաց.

«Ա՛յ պառաւ, այդ Մսրամելիքն ի՛նչ բան է. չէ՛ որ նա Մսրայ թագաւորն է. ուրեմն ի՛նչ գործ ունի իմ հօր հողերի հետ:

Պառաւն ասաց.— Ո՛րդի, Մսրամելիքը զօրով է խել. եթէ դու քաջ ու կտրիճ լինես, չես թողնիլ:

* * *

Այդ օրն անցաւ. միւս օրը Զէնով-Յովանն ու Դաւիթը ճանապարհ ընկան, Մհերի որսի սարը գնացին: Որ հասան, Յովհանն ասաց.

— Դաւիթ, այս քո հօր որսի սարն է: Քո հօր ժամանակ այս սարի շորս կողմով պարիսպ

էր քաշած: Մհերը որ մեռաւ, Մորամեղիքն եկաւ, պարիսպը քանդեց: Այժմ այս տեղերն իւրն է համարում, միշտ գալիս, ոչխար, այծ ու եղջերու է որսում:

Դաւիթը դէս ու դէն ընկաւ, շատ ման եկաւ. գնաց, անտառի մէջ մի տուն տեսաւ: Աստու հրամանով տան դռները բացուեցան: Դաւիթն ներս մտաւ. սիւներն ու պատերը ոսկու և արծաթի մէջ կորած են. ժամի հանդերձներ, անգին թագեր, անգին բուրվառներ, անգին խաչեր, շուրջառներ, ոսկեկող անետարաններ: Լաց եղաւ Դաւիթն, ասաց.—Այս սուրբ տեղերի վրայ այն անհաւատը պիտի իշխի:

Եկաւ, Ձէնով-Յովանին դտաւ: Չատ էին դադարել. մուծն էլ վրայ էր հասել: Սարի վրայ պառկեցին, որ քնեն: Դաւիթը քնեց. հօրեղբօր քունը շտարաւ: Ելաւ Դաւիթի անթարու փէշն իւր տակն առաւ, պառկեց: Նոր որ քնեց:

Դաւիթը զարթնեց. գիշերուայ կէսն էր: Դէպի Սասնու սարի գլուխը նայեց, տեսաւ, որ լոյսը կամար է կապել, կանգնել: Ասաց.—Ո՛վ Աստուած. եթէ հօրեղբօրս զարթեցնեմ, պիտի վեր կենայ, ասի թէ Դաւիթ վախեցաւ, եթէ չզարթեցնեմ, իմ անթարու փէշը նրա տակն է:

Դանակը հանեց, տուաւ, անթարու փէշը կտրեց, հօրեղբօրը քնած թողեց, ինքը դէպի

լոյս գնացը. տեսաւ մի ահագին մարմար քար է, ճղուել է, միջից լոյս է բղխում:

Դիշեր էր. Դաւիթը քարի վրայ նշան թողեց, յետ դարձաւ, հօրեղբօր մօտը եկաւ, տեսաւ, հօրեղբայրը գեռ քնած է: Կանչեց ու ասաց.

«Հայրագնթ հօրեղբայր, վե՛ր, վե՛ր,

«Հայր շունեմ, դու ինձ հայրութիւն արա.

«Քո անուշ քնից վե՛ր, վե՛ր,

«Այսօր ինձ հայրութիւն արա.

«Մարմար քարը տես, տես,

«Փայլում է արեւի պէս.

«Լոյս է երկնքից իջել,

«Թագ ու կամար է կապեր:

Հօրեղբայրը զարթնեց: Դաւիթն ասաց.

—Հօրեղբայր, տեսնում ես այն լոյսը. քեզից երեք հարիւր վարպետ եմ ուզում, երեք հարիւր մշակ, երկրագործ, որ այս շաբաթ այստեղ բանեն, Մարութայ բարձր Աստուարածնի վանքը շինեն:

Նոյն ժամին հօրեղբայրը քաղաք իջաւ, երեք հարիւր վարպետ, երեք հարիւր մշակ, երկրագործ հաւաքեց, բերաւ սարի գլուխը: Մինչեւ շաբաթ օրը վանքը շինեցին, աւարտեցին:

Չաբաթ օրը եկաւ, ասաց.—Հօրեղբայր,

քեզնից քառասուն վարդապետ, քառասուն տէր-
տէր, քառասուն էլ սարկաւազ եմ ուզում, որ
գան, վանքն օրհնեն, պատարագ անեն:

Այդպէս էլ արին, վանքի վրայ պահապան-
ներ դրին, Սասուն դարձան:

Ա Ռ Ա Ջ Ի Ն Կ Ռ Ի Ի .

Մսրամելիքը լսեց, որ Դաւիթը Սեւ սարը
գրաւել, Մարութայ վանքը նորոգել է: Չորս
մարդ ուղարկեց Սասուն՝ Կողբաղին, Բաղին,
Միւզին և Չարխաղին: Եօթը տարուայ հարկ
է պահանջում: Կողբաղինն ասում է.

«Կառնեմ Սասունից քառասուն աղջիկ գե-
ղեցիկ,

«Քառասուն կարճ կնիկ, որ երկանք ազան,

«Քառասուն էլ երկայն, որ ուղտեր բեռնեն,

«Յեռներով ոսկի կտանեմ՝ հարկ եօթը
տարուայ,

«Սասուն կաւերեմ, քարուքանդ կանեմ»:

Դաւիթը ոչինչ չգիտէր. նա մի շեղալիկ է
գտել, պառաւի արսն է գնում, շողկամ, հանում
ուտում:

Գառան եկաւ.— Դաւիթ, դու իմ կորեկը
տորոցցիր, հերիք չէ, հիմի էլ շողկամ ես
փշաջնում: Մի հատ աղջիկ ունէի, այն էլ քո

պատճառով Մսրամելիքի համար է տարւում:

Դաւիթն ասաց.— Ինչ ես ասում, պառաւ,
այդ ինչ գրոյց է:

Ասաց.— Մսրամելիքը մարդիկ է ուղարկել,
եօթը տարուայ հարկ է պահանջում՝ բեռներով
ոսկի, քառասուն կոյս աղջիկ, քառասուն կարճ
կնիկ, որ երկանք ազան, քառասուն էլ երկայն,
որ ուղտեր բեռնեն:

Ասաց. «Պառաւ, դրանք սրտեղ են, ինձ
ցոյց տուր:

Ասաց.— Չեր տան մօտը մի աւերակ մա-
րաք կայ, կանանցն ու աղջկանցն այնտեղ են
փակել, քո հօր գանձատանն էլ հօրեղբայրդ
ոսկի է չափում:

Դաւիթն ասաց. «Պառաւ, գնանք, ցոյց
տուր:

Ասաց.— Գնա՛, դու կտեսնես:

Վեր կացաւ Դաւիթը, գանձատուն գնաց:
Տեսաւ Մսրամելիքի մարդիկը կանգնած, հօրեղ-
բայրն էլ ոսկին է չափում: Չէնով-Յովանն այն-
քան չափել էր, որ դադարել, քրտնել էր:

Դաւիթը կանչեց, ասաց.— Նօրեղբայր, վեր
կաց, ես եմ չափում:

Յովանը չափելու պղինձը Դաւիթին տուաւ,
ինքը վերկացաւ: Դաւիթը նստեց. պղինձը
երեսվար գետնին է դնում, ոսկին պղնձի

տակն է ածուս, մի փայտով սրբուս, ապա դարտակ պղինձը ջուսյի մէջն է գձուս.— Այս մէկ:

Այդպէս երկու, երեք, չորս... մինչև Բազինը բարկացաւ. «Այդ ի՛նչ ես անում:

Դաւիթն էլ բարկացաւ. աչքերն արիւնով լցուեցան: Պղինձը վերցրեց, այնպէս զարկեց, որ Բազնի թևը թռաւ, Սուգնի էլ ականջը, քիթն ու պոռնկը կտրեց: Կողբաղին ու Չարխաղին փախան, գնացին: Դաւիթը գնաց, մարաքի դուռը բաց արաւ, կանանցն ու աղջրկանցը բաց թողեց: Նրանք Դաւիթին օրհնելով գընացին:

* * *

Կողբաղինը լուր տարաւ Մարամելիքին, ասաց.— Մի տղայ է եղել հայոց ազգին, մեր ճրագը անցրեց:

— Հապա ի՛նչ անենք:

Ասացին. «Դաւիթն է. ուրիշ մարդ չկայ: Մասնու սարի գլխին մի վանք է շինել, քառասուն տէրտէր, քառասուն վարդապետ, քառասուն սարկաւազ գրել:

Մարամելիքն ասաց.— Կողբաղին, դու պատրաստութիւնդ տես, պիտի Մասնու սարը գնաս:

Մարութայ բարձր Աստուարածինը թալանես, աւերես, գաս:

Ելաւ Կողբաղինը, երեք հարիւր մարդ ժողովեց, վանքի վրայ գնաց: Պահապաններն այդտեղ չէին, քաղաք էին գնացել:

Կողբաղինը կոտորեց քահանաներին, վարդապետներին ու սարկաւազներին. մէկ սարկաւազ միայն ազատուեց: Կողբաղինը վանքն աւերեց, ինչ կար չկար սրբեց, առաւ, գնաց Մարը:

Ազատուած սարկաւազն էլ Մասուն եկաւ: Հարցրեց.— Ո՞րտեղ է մեր տէր Դաւիթը:

Ասացին. «Պառաւի տանը գինի է խմում».

Գնաց, դռան առաջը կանգնեց, կանչեց.

— Մեր տէր Դաւիթ նստել է կերուխումի, խմում է կարմիր գինի...»

Դաւիթը խօսքը կտրեց, ասաց. «Վանքի խոնկն է պակաս, թէ՛ ձէթը, տուէք, սարկաւազը տանի»:

Սարկաւազը վրայ բերաւ.— Ոչ խոնկն է պակաս, ոչ ձէթը: Յետոյ արիւնոտ շապիկը հանեց, Դաւիթի առաջը գձեց, ասաց.

«Ափսոս, հազար ափսոս,

«Սպանեցին վարդապետներ,

«Որ ոսկի գաւազան բռնում,

«Քարոզում էին ժողովրդին:

«Ափսո՛ս, հազար ափսոս,
 «Սպանեցին քառասուն տէր տէր,
 «Որ ոսկի սկիհ էին բռնում,
 «Սրբութիւն տալիս ժողովրդին:

«Ափսո՛ս, հազար ափսոս,
 «Սպանեցին քառասնից պակաս մէկ տիրացու,

«Որ ոսկի բուրվառ ձեռքին՝
 «Խունկ էին ծխում ժողովրդին»

Դաւիթն էլ չհամբերեց, վեր կացաւ, ան-
 թարոցն *) առաւ, Կողբաղնի ետևից ընկաւ,
 գնաց: Հասաւ նրանց. մի բարտի ծառ արմա-
 տով հանեց, երեք անգամ զարկեց, ամենքին
 կոտորեց: Մնաց Կողբաղինը: Դաւիթը հասաւ,
 նրան էլ բռնեց: Նա ասաց. — Դաւիթ, թէ քո
 Աստուածը կսիրես, ինձ մի սպանիր.

Դաւիթը չսպանեց. պռունկները կտրեց,
 ատամները հանեց՝ ճակատին շարեց, ասաց. —
 Գնա՛, իմաց տուր քո Մարամելիքին, ինչ կարող
 է, թող անի:

Մ Ե Ծ Գ Ա Տ Ե Ր Ա Զ Մ Ը.

Մարամելիքը նայեց, Կողբաղինը գալիս է
 բերանը բաց, ծիծաղելով. Մտածեց. — Չա՛տ

*) Թոնիր խառնելու փայտ:

աւար է բերում: Եւ ուրախացաւ: Բայց որ Կող-
 բաղինը մօտեցաւ, Մարամելիքը տեսաւ, որ մե-
 նակ է և դատարկ: Ասաց.

— Կողբաղին, ո՛ր են քո զօրքն ու աւարը:
 Ասաց.

«Չէի ճանաչում Սասունցիներին.
 «Նրանց խոտերն են կծան,
 «Նրանց նետերն են վերան.
 «Դաւիթը՝ զարկեց մեր զօրքին,
 «Հանեց ամենքի հոգին»:

* * *

Մարամելիքը մոռնետիկներ արձակեց, իւր
 զօրքին հրաւիրեց.

«Թող ժողովուրին հարիւր հազար նորերուկ
 տղայ,

«Թող ժողովուրին հարիւր հազար բեխաւոր
 տղայ,

«Թող ժողովուրին հարիւր հազար թխամորուս,
 «Թող ժողովուրին հարիւր հազար սպիտակա-

մորուս:

Տասներկու տարեկան երեխաներից սկսած
 մինչև արևոր ծերերին զէնքի հրաւիրեց. ինքն
 էլ այդ զօրքի գլուխն անցաւ ե Սասուն քաղա-
 քի վրայ գնաց: Մարդ ուղարկեց Չէնով-Յովա-

նին, ասաց.— Չէնով-Յովան, ահա գալիս եմ մեծ գօրքով. թէ եօթը տարուայ հարկը տալիս ես, տուր, թէ չես տալիս՝ Սասունը կաւերեմ: Յովանն ասաց.— Մենք չենք կարող կռիւ անել. թէ կռիւ անի, Դաւիթն է: Սպասեցէք, նրան հարցնենք:

Դաւիթն ասաց.— Մտրամելիքին ես հարկ չեմ տալ. ինչ կարող է, թող անի:

Յովանն ասաց.— Դաւիթ, որ այդպէս է, այս գիշեր կգան, մեր քաղաքի վրայ կլծափուեն, կաւերեն:

Ասաց. «Յօրեղբայր, դուք գնացէք, ձեր տանը քնեցէք. ես առաւօտը կռուելու կգնամ:

Գիշերը Դաւիթի քունը չտարաւ: Առաւօտը վեր կացաւ, նետ ու աղեղը վերցրեց, քուռակը հեծաւ, գնաց:

Պառաւր տեսաւ, ասաց.— Դաւիթ, ուր ես գնում:

Ասաց.— Գնում եմ Մտրամելիքի հետ կռուեմ:

«Դու ի՞նչ ունես, նետ ու աղեղով պիտի կռուես:

— Հասլա ի՞նչ անեմ:

Պառաւն ասաց. «Ափսոս չէ՞ր դու այն հօր տղան լինիս:

«Քո հայրն ունէր Քուռակիկ ջալալին,

Գլխի գօտի,

Քամար ոսկի,

Թուր կայծակի,

Կապայ կաղըֆի,

Կօշիկ եղան կաշուի,

Պայտ պողպատի,

Թամբ սաղաֆի,

Ասպանդակ ոսկի,

Մանձ պողպատի,

Որ դնես Քուռակիկ-Ջալալի բերնին,

Մարուլթայ բարձրիկ Աստուարածին

Խաչ-պատրազին,

Որ իւր աջ թիկին:

Դաւիթն ասաց.— Պառաւ, սրտեղեն դրանք:

Ասաց. «Քո հօրեղբօր մօտ են, բայց նա

սիրով չի տալ, պէտք է ուժով առնես»:

* * *

Դաւիթը Չէնով-Յովանի մօտ գնաց, նրա փողպատը բռնեց, թափ տուաւ. ոտքերը գետնից կտրեց: Ասաց.— Յօրեղբայր, քեզնից ուզում եմ՝

Քուռակիկ-Ջալալին,

Գլխի գօտին,

Քամարը ոսկի,

Թուր կայծակին,

Կապան կաղըֆին,

Կօշիկն եղան կաշուի,

Պայտ պողպատի,
 Որ դնեմ Քուռիկ Ջալալի բերնին,
 Մարութայ բարձրիկ Աստուարածին
 Խաչ-պատրազին»:

Հօրեղբայրն ասաց.—Այդ քն խօսքը չէ,
 Դաւիթ, քեզ սովորցնողի բերանը կոտորուի:

Ասաց.—Հօրեղբայր, կտաս, տուր, չես
 տալ՝ գորով կառնեմ:

Ասաց.—Այ որդի, նոր եօթը տարիդ լը-
 րացրիր. դու ինչ կուռոդ ես:

Ասաց. «Պիտի երթամ. Աստուած եմ կան-
 շում, թշնամուս առաջ գնում, կամ ես կյազ-
 թեմ, կամ նա:

Յովանն ասաց.—Որդի, այն օրից, որ քո
 հայրը մեռել է, Քուռիկ-Ջալալին գոմումն է
 փակած. Մսրամելիքի վախից դեռ դուրս չեմ
 հանել, գոմի դուռը պատ եմ շարել, նրա խո-
 տը, յարդը, գարին երդիկով եմ տուել: Համա
 մենակ Քուռիկ-Ջալալին չէ, գոմում կարգով
 երեք հարիւր ձի կայ կապած: Գնա՛, որը կհա-
 ւանես՝ քեզ լինի:

Դաւիթը գնաց. գոմը մտաւ, ձիերի
 մէջքին կարգով ձեռք տուաւ, ամենքը փորները
 գետնին տուին: Դաւիթն ասաց.—Այս չէ՛ Քուռ-
 կիկ-Ջալալին: Առաջ գնաց, մի դուռ տեսաւ,
 որ պատ էր քաշած, ծածկած: Ոտով խփեց,

պատը քանդուեց: Տեսա՛ մի հրաշալի ձի է
 կապած: Ձեռը մեկնեց, որ ձիու մէջքին դնէր,
 ձին աքացի տուաւ. Դաւիթին չդիպաւ, պատին
 դիպաւ, պատը շուռ եկաւ: Լաց եղաւ Դաւիթը,
 ասաց. «Քուռիկ-Ջալալին, ես այնպէս էի կար-
 ծում, թէ դու այս կուռից ինձ կազատես»:

Աստծու հրամանով ձին լեզու առաւ, ասաց.

—Դաւիթ, որ այդպէս է, ես քեզ, դու
 ինձ: Տես՝ ինչ քո հայրը մեռել է, հօրեղբայրդ
 ինձ չի հանել, բանտարկեալի պէս է պահել:

Դաւիթը ձեռ տուաւ Քուռիկ-Ջալալի մէջ-
 քին, տեսա՛ւ մէկ թիզ աղբ ու կեղտ կայ:
 Ձին դուրս հանեց, պառաւի մօտ տարաւ, ա-
 սաց.—Պառաւ, մի գլուխ սապոն վերցրու, եր-
 կու պղինձ ջուր տաքացրու, մի լաւ լուացիր:
 Յետոյ ինքը Ձէնով-Յովանի մօտ գնաց, ասաց.

—Հօրեղբայր, այժմ միւս բաներն եմ ու-
 գում, բեր, լրիւ ինձ տուր:

Գնաց հօրեղբայրը, բերաւ գլխի թագը,
 ոսկի քամարը, կայծակի թուրը, կաղըֆի կա-
 պան, եզան կաշուի կօշիկը, պողպատի պայտը,
 յանձնեց Դաւիթին, ասաց.—Որդի, խաչպատրա-
 զինը ես չեմ կարող բերել, քո հայրը որ մե-
 ռել է, սնդուկի մէջ եմ դրել, պնդել. էլ չեմ
 համարձակուել մօտենալու: Գնա՛, ծուռդ չողիր
 սնդուկի առջև, քո Աստծուն կանչիր, եթէ

հորդ պէս արդար ես, եթէ դու էլ արժանի ես, սնդուկը կբացուի, Խաչպատրազիներ դուրս կգայ, քո աջ թևին կկանգնի:

Դաւիթը գնաց, ծունգ չողեց սնդուկի առջև, լաց եղաւ, Աստուած կանչեց: Ասածու հրամանով սնդուկը բացուեց, Խաչպատրազիներ թռաւ, Դաւթի աջ թևին կանգնեց:

Հեծաւ Քուռիկ-Ջալալին, թագը գլխին դրաւ, կապան հագաւ, կայծակի թուրն ու սուկի քամարը կապեց:

Քամարը Դաւթի մէջքով քառասուն պատ եկաւ. կայծակի թուրը գետնովն էր քարշ գալիս, թագն այնքան մեծ էր, որ մէջը քառասուն լիտր բամբակ դրին, նոր գլխին եկաւ: Այդպէս էլ միւս բաները, որ Մհերինն էին, բայց հիմի մի մանուկ էր հագնում:

*
**

Այդպէս զինուեց, զարդարուեց Դաւիթը, գնաց, տան յետևը կանգնեց, ասաց, — Տեսնե՞նք հօրեղբայրս ի՞նչ պիտի ասի:

Հօրեղբայրն ասաց.
«Ափսոս, հազար ափսոս,
Գնաց Սասնու տնից՝ Քուռիկ-Ջալալին,
Գլխի թագը,
Քամարը ոսկի:

Կապան կադրֆի,
Կօշիկը եղան կաշուի,
Պայտը պողպատի,
Թամբը սադաֆի,
Ասպանդակ ոսկի,
Սանձը պողպատի,
Ափսոս, հազար ափսոս՝
Գնաց Սասնու տնից թուրը կայծակի»:
Դաւիթը վիրաւորուեց, բարկացաւ, ձեռքը դէպի թուրը տարաւ, որ հանի, հօրեղբորը խփի:
Ձէնով-Յովանը շարունակեց.

«Ափսոս, հազար ափսոս.
Մեր Թլոր-Դաւթին»:
Դաւիթն ասաց. — Հօրեղբայր, քո բերանը կոտրուէր, այդ մի խօսքը չասէիր, եթէ ինձ չյիշէիր, քո վիզը պիտի կտրէի:

Լաց եղաւ Դաւիթը, հօրեղբոր մօտը գրնաց, նրա ձեռը համբուրեց, հօրեղբայրն էլ Դաւթի գլուխն համբուրեց:

Դաւիթը կանչեց, ասաց.
«Ո՛վ քոյրեր, մնացէ՛ք բարով,
«Ինձ քոյրութիւն էք արել.
«Ո՛վ մայրեր, մնացէ՛ք բարով,
«Ինձ մայրութիւն էք արել.
«Բարի՛ գրացիններ, մնացէ՛ք բարով,
«Մնացէ՛ք բարով

«Մեծ ու պատկով»:

Հօրեղբայրն ասաց.— Ա՛յ որդի, գնում ես, լսիր, քեզ մի խրատ տամ, ահանջ դնես: Ուր որ քո ձին ծնգները գետնին դարկի, այնտեղ վայր կգաս, ձիդ կկապես, կկերակրես, քո տեղն էլ չորս ստի մէջ կշինես, այնտեղ կքնես: Որ գընաս, դաշտի մէջ մի պողպատէ սիւն կայ. քո հայրն երբ կռուի էր դուրս գալիս, դարկում էր պողպատէ սիւնին. եթէ կտրում էր, բանը յաջող էր, գնում էր, եթէ չէ՛ յետ էր դառնում: Դու էլ պողպատէ սիւն կտեսնես, կդարկես, թէ կտրեց, գձեց, քո բանն յաջող է՛ գնա՛, թէ չէ՛ յետ դարձիր, տուն եկ:

* * *

Ձին քչեց, գնաց: Կաթնաղբիւրի վրայ Քուռկիկ-Ջալալին ծնգները գետնին դարկեց: Դաւիթը ասպանդակներով ձիու կողքերին խրփեց, մի կողաշարը կտրեց: Ասաց.— Մի ժամ ճանապարհ ես եկել, ի՛նչ ես շուտ դադրել:

Ձին բարկացաւ, ասաց.— Ի՞նչպէս ես՝ արեգակովը տամ, այրուես. քո հօրեղբօր խրատն ի՛նչ շուտ մոռացար:

Դաւիթը գղջաց, վէր եկաւ, կաթնաղբիւրի ջուրը տուաւ, ձիու կողաշարը լաւացաւ.

խոտ ու ջուր տուաւ նրան, ինքն էր կաթնաղբիւրի ջրի մէջը մտաւ, լողացաւ: Դուրս եկաւ, հաց կերաւ, ջուր խմեց, ձիու ոտների մէջ մըտաւ, քնեց:

Մի ժամ քնեց. երբ դարթնեց, տեսաւ, այնպէս է լցուել, այնպէս հաստացել, այնպէս դօրսլթիւն, ոյժ առել, որ դարմանալի: Թագի միջից քառասուն լիտր բամբակը հանեց, նոր գլխին եկաւ. մէջքի գօտիկը, որ քառասուն պատ էր գալիս, այժմ մի պատ դարձաւ. թուրը, որ գետնով քարշ էր գալիս, այժմ ծնգներին է հասնում: Այգպէս էլ միւսները:

* * *

Բարի լոյսը բացուեց: Վեր կացաւ Դաւիթը, իւր աղօթքն արաւ, ձին հեծաւ, քչեց, գնաց, պողպատէ սիւնի մօտ կանգնեց: Քաշեց թուրը, դարկեց: Միւնը կտրուեց. այնպէս կրտուեց, ասես պողպատ չէր, պանիր էր: Կտորը կտորի վրայ մնաց, վայր չընկաւ: Դաւիթը կարծեց, թէ սիւնը չի կտրուել, ասաց.

«Ձեռնի՛կ, դու չորանաս,

«Որ դարկեցիր սիւնը չկտրուեց.

«Աչքի՛կ, դու խաւարուես,

«Որ այս բանը չտեսնէիր»:

Ասաց, ձեռքը կոտորուեց, աչքը խաւարեց:
 Հաց եղաւ Գաւիթը, տխուր, յուսահատ լաց
 եղաւ: Մտածեց, որ յետ դառնայ, տուն գնայ:
 Բայց մէկ էլ մօտեցաւ սիւնին, փչեց: Որ փչեց,
 վերնի կտորը թռաւ, վայր ընկաւ: Ուրախացաւ
 Գաւիթն, ասաց.

«Ձեռնի՛կ, դու կանաչ լինիս,

«Որ դարկեցիր, թուր կտրեցիր.

«Աչքի՛կ, դու պայծառ լինիս,

«Բարի նշան ես տեսնում»:

Ասածու հրամանով ձեռքն առողջացաւ,
 աչքը լուսաւորուեց:

Ձին հեծաւ, քշեց, գնաց, սարի գլուխն
 ելաւ: Նայեց, տեսաւ, որքան ասող կայ երկրն-
 քում, Մսրամեկիքն այնքան վրան է դարկել
 դաշտի մէջ: Վշտացաւ Գաւիթն, ասաց.

«Օրհնեա՛լ, բարերար Աստուած,

«Ես ի՛նչ անեմ.

«Եթէ նրանք կորեկի արտ՝

«Իսկ ես մանգաղ դառնամ,

«Ձեմ կարող նրանց հնձել.

«Եթէ նրանք բամբակ՝

«Իսկ ես կրակ դառնամ,

«Ձեմ կարող այրել.

«Եթէ նրանք դառներ դառնան,

«Ես քաղցած գայլ՝

«Ձեմ կարող նրանց յաղթել:

Ասածու հրամանով Քուռկիկ-Ջալալին լե-
 դու առաւ, ասաց. — Գաւիթ, տնաւեր, ի՛նչ ես
 վախենում: Որքան քո թուրն սպանի, այնքան
 իմ պոչի մագերը կկոտորեն. որքան քո թու-
 րը կտրի, այնքան իմ շունչը կայրի. որքան քո
 թուրը կտրի, այնքան իմ ոտները կջարդեն:
 Մի՛ վախենար. Աստուածդ կանչի:

Մտածեց Գաւիթն, ասաց. «Ի՛նչ անեմ,
 Աստուած, թէ գաղտնի գնամ, կասեն՝ Գաւի-
 Թը գող եկաւ, գող գնաց. թէ գաղտնի չգնամ,
 վախենում եմ նրանց շատութիւնից:

Առաջ անցաւ, կանչեց.

«Ով քնած է, թող շուտ գարթնի,

«Ով գարթուն է, թող շուտ կանգնի.

«Ով կանգնած է, գրահներ կապի,

«Ով կապել է, ձիեր թամբի,

«Ով թամբել է, շուտով հեծնի,

«Ձասէք՝ Գաւիթը գող եկաւ,

Գող գնաց:

Ասաց, քշեց, գօրքի մէջը մտաւ. երկու
 գլուխ գնաց, եկաւ, դաշտը կարմիր ներկուե-
 ցաւ. արեան գետ բարձրացաւ, անթիւ դիակ-
 ները քշեց, տարաւ:

Զօրքի մէջ մի ծերունի կար, ասաց. «Ճա-
 նապարհ տուէք, Գաւիթի մօտ գնամ, մի խօսք

ասեմ, այս խեղճերին մահից ազատեմ: Եւ մարդկանց բազմութիւնը ճղելով, Դաւթին մօտեցաւ, ասաց.— Դաւիթ, այդ խեղճերի մեղքի տակ մի մտնիր. մէկը փեսայ է, մէկը մօր մինուճար որդին է. մէկը կայ՝ ընտանիքի միակ աշխատող ձեռքն է. Մսրամելիքը ամենքին դօրով, ծեծելով է բերել: Եթէ դու կտրիճ ես, գնա, Մսրամելիքի հետ կռիւ արա:

Ասաց.— Ալսոր, սրն է նրա վրանը:

Ասաց. «Այն մեծ կանաչ վրանը:

*
*
*

Ձին քշեց, գնաց, Մսրամելիքի վրանի առջև կանգնեց: Պահապաններին կանչեց, ասաց.— Կանչեցէք Մսրամելիքին, 'գայ' կռիւ անենք: Թէ անմահ է, նրան մահ եմ բերել, թէ անգրող է, նրան գրող եմ բերել:

Ասացին.— Մսրամելիքը քնած է. նա եօթնօրէ ընում, դեռ երեք օրն է անցել:

Ասաց. «Ձեմ սպասիլ, պէտք է վեր կացնէք:

Ձամփուրներ բերին, կրակին գցեցին, կամրացրին, Մսրամելիքի ոտքին տուին: Մսրամելիքը քնի մէջ ասաց.— Ահապիտաններ, իմ

տեղն այսօր լաւ չէք շինել. լու կայ, ինձ կը ծում են:

Դաւիթն ասաց. «վեր կաց, լու չէ, ես եմ»: Մսրամելիքն էլի քնեց:

Դաւիթանի խոփ բերին, հնոցի մէջ գցեցին, շիկացրին, Մսրամելիքի ոտքին տուին: Ասաց.— Ահապիտաններ, իմ տեղըն այսօր լաւ չէք շինել, լուերն ինձ կ'ծում են:

Դաւիթն ասաց.— Մսրամելիք, վեր կաց, ես ու դու կռիւ անենք: Անմահ ես՝ քեզ մահ եմ բերել. անգրող ես՝ քեզ գրող եմ բերել:

Վեր կացաւ Մսրամելիքը. որ Դաւիթին տեսաւ, փչեց: Նրա խելքով Դաւիթը պիտի թռչէր: Բայց Դաւիթը կանգնած է:

Ասաց. «Դաւիթ, արի՛ նստիր. ուտենք, գրոյց անենք, յետոյ վեր կենանք, կռուենք:

Դաւիթը ձիուց վէր եկաւ, ձին փախաւ: Ձին իմաստուն էր, գիտէր, որ Մսրամելիքը քառասուն նետաչափ հօր է փորել, հորի բերանը թաղիքներով ծածկել:

Դաւիթին խաբեցին, ձիուց վէր բերին: Ձին բարկացած՝ թէ ինչո՞ւ Դաւիթը վէր եկաւ, սարի գլուխը գնաց: Դաւիթին հորի վրայ նստեցրին. հորի մէջն ընկաւ: Մսրամելիքն ասաց. «Նա պիտի ինձ հետ կռիւ անէր. թող մնայ այնտեղ, մինչև ոսկորները փտեն»:

* * *

Գիշերը վրայ հասաւ: Ձէնով Յովանն երազ տեսաւ. Մսրայ աստղը պայծառ է, Սասնու աստղը մռայլ: Քնից վեր կացաւ, ասաց. «Կընիկ, վեր կաց, Դաւիթը ձեռքից գնաց: Երազ տեսայ՝ Մսրայ աստղը պայծառ էր, Սասնու աստղը մռայլ»:

Կնիկն ասաց.— Քո տունը չաւերուի, քեզ համար քնում ես, ուրիշի համար երազ տեսնում:

Ձէնով-Յովանն էլի քնեց: Նոր երազ տեսաւ. Մսրայ աստղը շատ պայծառ, Սասնու աստղը մարեղու վրայ էր: Վեր կացաւ, կանչեց. «Կնիկ, վեր կաց, ես տեսայ՝ Մսրայ աստղը շատ պայծառ, Սասնու աստղը մարեղու վրայ էր»:

Կնիկն ասաց.— Այ մարդ, ինչո՞ւ չես քընում. ինչո՞ւ չես թողնում, որ աչքս խփեմ:

Ձէնով-Յովանն էլի քնեց. նոր երազ տեսաւ. Մսրայ աստղն եկաւ, Սասնու աստղը կուլ տուաւ: Կանչեց. «Կնիկ, վեր կաց. Դաւիթին սպանեցին»:

Ասաց.— Այ խեղճ, հերթը չեղաւ քեզ. ինչո՞ւ չես քնում, ով գիտէ, հիմի Դաւիթը սրտեղ է քէֆ անում:

Ձէնով-Յովանը բարկացաւ. մի աքացի դարկեց կնոջը, կնիկը վեր կացաւ, ճրագը վառեց: Յովանն ասաց. «Իմ գէնքերը բեր: Կնիկը բերաւ»:

Յովանը գէնք ու զրահը հագաւ, գնաց, գոմի դուռը բաց արաւ: Ձեռքը տարաւ, Սիպտակ ձիու մէջքին դրաւ: Ձին փորը գետնին տուաւ: Ասաց. «Սիպտակ ձի. ինձ Դաւիթի կըռուին պիտի հասցնես, մինչև երբ կտանես»:

Ասաց.— Մինչև առաւօտը:

Ձէնով-Յովանն ասաց. «Հարամ լինի այն կերը, որ քեզ եմ տուեր»:

Գնաց, ձեռքը կարմիր ձիու մէջքին դրաւ: Ձին փորը գետնին տուաւ: Ասաց. «Կարմիր ձի, մինչև երբ ինձ Դաւիթի կըռուին կհասցնես»:

Ձին ասաց.— Մինչև մի ժամ:

Յովանն ասաց.— Հարամ լինի այն խնամքը, որ քեզ եմ խնամեր»:

Գնաց, ձեռքը Սև ձիու մէջքին դրաւ: Ձին փորը գետնին չտուաւ: Ասաց. «Սև ձի, ինձ Դաւիթի կըռուին պիտի հասցնես. մինչև երբ կտանես»:

Սև ձին ասաց.— Եթէ կարողանաս քեզ պահել, ոտդ գնես մի գանգուն, մինչև միւս ոտդ էլ միւս գանգուն տանես, քեզ Դաւիթի կըռուին կհասցնեմ:

Յովանը ձիուն դուրս քաշեց, հեծաւ. որ մի ոտը զանգուն դրաւ, մինչև շուռ կգար, միւս ոտն էլ միւս զանգուն կտանէր, Սև ձին հրեղէն էր, թռաւ, սարի գլուխը բարձրացաւ:

Քուռկիկ-Ջալալին Ձէնով-Յովանին տեսաւ, խրխընջալով մօտ եկաւ: Յովանը վախեցաւ, ասաց. «Դաւիթն սպանուած է»:

Ձէնով-Յովանը կանչեց, ձայնը սար ու ձոր ընկաւ. անտառ ու դաշտ գոգոգաց:

Ասաց. «Դաւիթ, սրտեղ ես. յիշիր Մարութայ բարձր Աստուարածին, խաչ պատարաղին, որ քո աջ թիկն»:

Կանչեց, ձայնը Դաւիթի ախանջն ընկաւ: Դու մի ասիր, Դաւիթը փոքր է, խաչ պատարաղինի զօրութիւնը չի իմացել:

Դաւիթը կանչեց, ասաց. «Ե՛մ Մարութայ բարձր Աստուարածին, խաչ պատարաղին, որ իմ աջ թիկն»: Ասաց, իրեն թափահարեց: Աստուհրամանով երկընքից շղթայի կտորներ կախուեցան, Դաւիթը բռնեց, թռաւ, հորից դուրս եկաւ: Մարամեղիքը սարսափեց: Յովանը Դաւիթին կանչեց. — Դաւիթ, այստեղ եկ:

Դաւիթը հօրեղբօր մօտը գնաց. բայց ձին բարկացել էր, Դաւիթին չէր մօտենում: Յովանը մօտեցաւ ձիուն և նրան շոյելով Դաւիթի մօտ

բերաւ. Դաւիթը ձին հեծաւ, ասաց. «Հօրեղբայր, դու քաղաք գնա՛, ես Մարամեղիքի կռուին»:

* *

Գնաց, Մարամեղիքին հասաւ, ասաց. «Մարամեղիք, այն անգամ ինձ խաբեցիր, այժմ ինչ պիտի անես»:

Մարամեղիքն ասաց. — Լա՛ւ, դեռ արի՛, նըստիր:

Ասաց. «Ձէ, չեմ նստիլ, վեր կաց, կռիւ անենք»:

Մարամեղիքն ասաց. — Կռիւր զօրով, թէ հերթով է:

Դաւիթն ասաց. «Հերթով է»:

Ասաց. — Որ հերթով է, հերթն սմմն է. մեծը ես եմ, թէ դու:

Դաւիթն ասաց. «Հերթը քոնն է»:

Եւ գնաց Դաւիթը, հրապարակի մէջ կանգնեց: Մարամեղիքը գնաց, եկաւ, իւր գուրզը զարկեց: Փոշի բարձրացաւ, արեգակի երեսը բռնեց: Մարամեղիքն ասաց. — Դաւիթն հող էր, հող դարձաւ:

Դաւիթն ասաց. «Մարամեղիք, ես դեռ այստեղ եմ. գնա՛, էլի զարկիր»:

Մարամեղիքը հրեք անգամ գնաց, եկաւ,

զարկեց. փոշին երկինք բարձրացաւ, արևի երեսը ծածկեց: Չարկեց ու ասաց.— Դաւիթը հող էր, հող դարձաւ: Փոշին որ իջաւ, Դաւիթըն ասաց. «Մսրամեղիք, ես դեռ այստեղ եմ»:

Հերթը Դաւթին հասաւ:

Մսրամեղիքն ասաց.— Դաւիթ, քեզնից խնդիր ունիմ:

Ասաց. «Ի՞նչ ունիս:

Մեղիքն ասաց.— Ուզում եմ, որ քառասունը կանգուն հոր փորեմ:

Դաւիթն ասաց. «Փորիր»:

Մսրամեղիքն ասաց.— Ես գնամ, հորի մէջը մտնեմ, քառասունը ջրաղացաքար քաշել տամ հորի վրայ, քառասուն էլ գոմշի կաշի գցել տամ քարերի վրայ, յետոյ զարկիր:

Դաւիթն ասաց.— Ինչ որ ուզում ես՝ արա՛:

Մսրամեղիքն էլ այնպէս արաւ:

Գնաց, եկաւ Դաւիթը, որ իւր գուրզը զարկէր: Մսրամեղիքի մայրն առաջ եկաւ, ասաց.— Դաւիթ, չէ՞ որ քեզ ծիծ եմ տուել. այդ մէկ զարկն ինձ բաշխիր:

Դաւիթը բաշխեց:

Մէկ էլ գնաց, եկաւ, որ զարկէր, այժմ էլ Մսրամեղիքի քոյրն եկաւ, ասաց.— Դաւիթ, երբ դու փոքր էիր, քեզ շատ շալակել, ման եմ ածել. այդ մէկ զարկն եկ ինձ բաշխիր:

Դաւիթը բաշխեց:

Դաւիթը մնաց, մէկ զարկ, մէկ Աստուած: Գնաց, եկաւ, որ զարկի, Մսրամեղիքի մայրն առաջ եկաւ, ասաց.— Դաւիթ, չէ՞ որ դա քեզ համար եղբայր է եղել, մե՞ղք է, մի զարկիր:

Ասաց.— Գորիր, գնա՛. էլ բաշխելու բան չմնաց. ես եմ, Աստուած և այս մէկ զարկը. պիտի զարկեմ, կամ կմեռնի, կամ կմնայ:

Դաւիթը գնաց, եկաւ, Աստուած կանչեց, յիշեց Մարութայ բարձր Աստուարածին, Խաչ պատրագին՝ որ իւր աջ թևին, և գուրզը զարկեց: Որ զարկեց, քառասուն գոմշի կաշին կրտրեց, քառասուն ջրաղացքարն էլ կտրեց, Մսրամեղիքի գազաթից էլ տուաւ, ոտքից գուրս եկաւ:

Մսրամեղիքը կանչեց, ասաց.— Դաւիթ, ես դեռ այստեղ եմ:

Դաւիթն ասաց. «Մսրամեղիք, մի քեզ թափ տո՛ւր»:

Մսրամեղիքն իրեն թափահարեց, մէկ կրտորն այստեղ, միւսն այնտեղ ընկաւ:

ԴԱԻԻԹ ԵՒ ԽԱՆԴՈՒԴ ԽԱԹՈՒՆ.

Չայնն աշխարհ ընկաւ.—Դաւիթը Մսրա-
մելիքին սպանեց, Մսրը քաղաքը գրաւեց:

Լուրը գնաց Կապուտկոյ՝ Խանդուզ խա-
թունին հասաւ: Խաթունը երկու աշուղի շատ
փող տուաւ, ասաց. «գնացէք, Դաւթին իմ գով-
քը երգեցէք, որ պայ, ինձ առնի:

Աշուղները վեր կացան, սագերն առան,
գնացին: Քնացին, Սասուն հասան, Չէնով-Յո-
վանին տեսան, հարցրին.

«Այս է Դաւթի քաղաքը:

«Այս է:

«Դաւիթն ո՞ւր է, մեզ ցոյց տուր:

— Չեր ուզած Դաւիթը ես եմ:

«Ի՞նչ ես:

— չմ:

«Որ դու ես, նստիր, քեզ համար Խանդուզ
Խաթունի գովքն անենք:

Յովանը նստեց: Նրանք սագերն առան,
երգեցին.

Նրա սիպտակութիւնը հարցնես,

Քանց զարնան ձիւն սիպտակ է,

Նրա նրբութիւնը հարցնես,

Քանց բամբակ նուրբ է.

Նրա ունքերը հարցնես,

Ղարմով քաշած է.

Նրա աչքերը հարցնես,

Ծովի կապոյտն է.

Ճակտի լայնութն հարցնես,

Եօթը մատ է, դեռ մէկ աւել է...

Չէնով-Յովանը լսեց, վեր կացաւ, աշուղ-
ներին լաւ ծեծեց, սագերն առաւ, փշրեց:

Աշուղները լացով, Դաւթին անիծելով ու
հայհոյելով հեռացան այգտեղից: Դաւիթը պա-
տահեց, տեսաւ, որ օտար մարդիկ են, իրան
հայհոյում, անիծում են:

Ասաց. «Այ մարդիկ, դուք ինչո՞ւ էք Դաւ-
թին հայհոյում:

Ասացին.—Խանդուզ խաթունին Դաւթի
մօտ գովեցինք, մեզ ծեծեց, մեր սագերը կո-
տրւեց:

Ասաց. «Դաւիթը ես եմ:

Աշուղներն ասեցին՝ թէ ինչո՞ւ են եկել:

Դաւիթը երկու սագ գնեց, աշուղներին
տուեց. մէկ բուն էլ ոսկի բաշխեց, ասաց.

«Քնացէք, Խանդուզ խաթունին ասացէք,
երեք օր այստեղ եմ, չորրորդ օրը դուրս կե-
լեմ, կգամ:

Աշուղները ելան, ուրախ ուրախ գնացին:

Չորրորդ օրը առաւօտը վաղ Գաւիթը վեր կացաւ, ձին հեծաւ, գնաց: Գէտօրին ծծմակայքիթը հասաւ: Այդտեղ գութանչիք տեսաւ, որոնք դաշտը վարում էին: Տասներկու գութան է. գութանչիքն իրանց համար վեց օրուայ հաց, կերակուր են վերցրել, բերել: Օրը երկուշաբթի էր, մինչև շաբաթ իրիկուն այդտեղ պիտի մընային:

Գաւիթը եկաւ, ասաց.

— Գութանչիք, մի կտոր հաց չկայ, որ ուտեմ, ճանապարհորդ եմ:

Ասացին. — Մեր հացն ու կերակուրն այդտեղ մօտիկ՝ գետի մօտն է. գնա՛. կուշտ հաց կեր, ճանապարհդ շարունակիր:

Գաւիթը գնաց, հացի վրայ ընկաւ. տասներկու գութանչու վեց օրուայ հացը միանգամից կերաւ, մանանայ չ[թողեց:

Գութանչիներից մէկն այդ տեսաւ, զարմացաւ, ասաց.

— Այ՛ ճանապարհորդ, դու մեր հացն ու կերակուրը բոլորը կերար, մենք այստեղ անօթի մնացինք. վեց օր այստեղ ենք, տուն չենք գնալու, մեր ետևիցն էլ հաց բերող չկայ. ի՛նչ պիտի անենք:

Գաւիթն ասաց. «Որ այդպէս է, դուք այստեղ նստեցէք, ես գնամ, մի ժամում ձեր վեց

օրուայ վարը վերջացնեմ, իրիկունը վեր կացէք, գնացէք, ձեր հացին հասէք, որ անօթի չմնար:

Գաւիթը վեր կացաւ, գութանը Քուռկիկ-Ջալալու պոչից կապեց. քչեց, այն վեց օրուայ տասներկու գութանավարը մէկ ժամում աւարտեց, մէկ գութանավար թողեց:

Ջարմացման գութանչիքն, ասացին. — Չըլինի՛ Գաւիթը դու ես:

Ասաց. «Ես եմ»:

Ասացին. — Որ դու ես, այդ քո հունարը չէր, այդ ձիուդ հունարն էր:

Վիրաւորուեց Գաւիթը, բարկացաւ, վեր եկաւ, գութանը ձեռքով բռնեց, այն մէկ գութանավարն էլ վերջացրեց:

Ասացին. — Գու բարով եկար, բարով էլ գնաս. այժմ մենք հաւատում ենք, որ դու Գաւիթն ես:

Իրիկունը գութանչիք գիւղ վերադարձան:

Գիւղի իշխանը բարկացաւ. — Ինչո՞ւ իմ արտերը թողեցիք, եկար:

Մեծ գութանչին ասաց. «Աստուած վկայ, արտերը վարել, պրծել ենք:

Իշխանը չհաւատաց, ասաց. «Մի օրում մի շաբթուայ բան կանուլի»:

Առաւօտը ձին հեծաւ, գնաց, տեսաւ, ճըչ-

մարիտ վարել, պրծել են: Ասաց. «Սա ձեր բանը չէ. ասէք տեսնեմ, ո՞վ է վարել:

Ասացին. — Դաւիթը:

Իշխանը կտրիճ մարդ էր. մի աղջիկ ունէր, այնքան ուզողներ կային, ոչ որի չէր տալիս. աղջիկը քաջ, պահաւան աղջիկ էր անունը Բանայ-Խանում:

Սա երգուեց, ասաց. «Թէ Դաւիթն ինձ չառնի, ուրիշի չեմ գնար»:

Պահապաններ դրաւ կամրջի վրայ, ասաց. «Երբ որ Դաւիթը գայ, ինձ իմաց արէք»:

*
**

Դաւիթը ձին քչեց, գնաց, Խանդուղ-խաթունի պատուհանի առաջ կանգնեց: Խաթունը որ Դաւիթին տեսաւ, ուրախացաւ: Ուրախութիւնից մի խնձորը զարկեց Դաւիթին: Դաւիթը ձիու վրայ խնձորը բռնեց, խնդաց:

Ձին քչեց, դէպի դուռը գնաց: Այնտեղ դռնապան էր կանգնած՝ անունը Համուր: Մէկ պռուկը կախուել էր սրտին: Դաւիթը՝ որ տեսաւ, վախեցաւ: Մօրից ծնուել էր, մարդու բարեւ չէր տուել. վախից բարեւ տուաւ Համուրին: Համուրն էլ քառասուն տարի այնտեղ դռնապանութիւն էր արել, մարդու բարեւ չէր ա-

ռել: Դաւիթն որ տեսաւ, վախեցաւ, վախից բարեւ տուաւ:

Դաւիթն ասաց.

— Ինչ մօրից եղել եմ,

Մարդու բարեւ չեմ տուել.

Այսօր Համուրին տեսել,

Վախից բարեւ եմ տուել:

Համուրն ասաց.

— Քառասուն տարի դռնապանութիւն եմ արել,

Մարդու բարեւ չեմ առել,

Այսօր Դաւիթին եմ տեսել,

Վախից բարեւ եմ առել:

Դաւիթն ասաց. — Օրհնեալ է Աստուած, թէ դու վախից իմ բարեւն առար, ես էլ վախից քեզ բարեւ տուի: Եթէ դու իմ բարեւը չառնէիր, ցաւ պիտի դառնար, իմ սիրտն ընկնէր, ինձ սպանէր:

*
**

Դաւիթի ձին քչեցին, գոմը տարան. այդտեղ քառասուն ձի է կապած, քառասուն պահապանների ձի: Այդ քառասուն պահապանները՝ որը հինգ, որը եօթն, որը տասը տարի է, Խանդուղ-Խանումի պալատում ընկած, նրա

ձեռքն են խնդրում, Խանումը ոչ ոքի խօսք չի տալիս: Քուռկիկ-Ջալալին բոլոր ձիերին քացելով դուրս արաւ, ինքն ամենքի կերը կերաւ: Դաւիթն էլ գնաց, պահլաւանների մէջ նստեց: Բերին, հաց գցեցին: Դու մի ասիր, պահլաւանները Դաւթին նախանձում են: «Եօթը, տասը տարի է, մենք այստեղ ենք, խանումը մեզ նըշան չտուաւ. հիմի Սքանու շողկամակերը եկաւ, դեռ երեսն էլ չի տեսել, խնձոր զարկեց նրան»: Եւ մտքներումը դրել են, որ Դաւթին սպանեն: Թրերը գաղտնի կերպով սփռոցի տակն են դրել, յարմար ժամի են սպասում:

Եօթը տարուայ նուան գինի բերին, որ խմեն: Նրանց թասը գինու թաս չէ, տաշտից մեծ է: Մէկ լցրին, Դաւթին տուին, — խմեց: Մէկ էլ լցրին, տուին, Դաւիթն ասաց. «Նղբայր, այդպէս չի լինիլ, եկէք կարդով խմենք, ով կհարբի, թող պառկի, ով չէ՝ թող քէֆ անի»:

Բայց նրանք կարո՞ղ են Դաւթի հետ գինի խմել, եօթը տարուայ նուան գինի: Խմեցին, հարբեցին, թուլացած՝ տեղները պառկեցին:

Դաւիթն իւր ծառային կանչեց, ասաց. «Վեր կաց, հացը հաւաքիր, մեղք է, կոխ են տալիս»:

Ծառան վեր կացաւ, հաւաքեց:

Տեսան, ամեն պահլաւանի առաջ սփռոցի

տակը մերկացրած թուր է դրած: Դաւիթն ամենը ժողովեց, ծնգան տուաւ, այնպէս փշրեց, ինչպէս մարդ մի բուռը լուցկի կտորրտի: Ծառային տուաւ, ասաց. «Տար, մեր ձիու խուրջինի մէջ ամիր, լաւ պողպատ-երկաթ է, պայտ ու բևեռ կշինենք»:

Երբ մեր հարբած պահլաւանները ուշքի եկան, Դաւիթը թուրն առաւ, մէջ տեղ կանգնեց. «Դուք պէտք է ինձ սպանէիք»:

Պահլաւանները սարսափեցին, մէկ մէկ դուրս փախան:

* * *

Ուրբաթ օրը Դաւիթը գնաց, Խանդուղի պալատի պարտէզի պատի տակ կանգնեց: Այդ օրը Խանումը քառասուն նաժիշտներով շրջապատուած՝ պարտէզ պիտի իջնէր, մարմար հաւուզում պիտի լողանար:

Երբ Խանդուղը նաժիշտների հետ եկաւ, Դաւիթը առաջ գնաց, հասաւ օրիորդին, գրկեց և ուզում էր համբուրել: Օրիորդը չթողեց, այնպէս զարկեց Դաւթին, որ քիթն ու բերանը արիւն դարձաւ:

Ինքը պարտէզ մտաւ, մերկացաւ, որ լողանայ:

Դաւիթն է. հերսոտել, կրակ է կտրել: չեծել է իւր ձին, Խանդուղի հօր քաղաքը պիտի աւերի:

Նաժիշտները եկան, տխուր լուրը Խանդուղ-Խանուամին յայտնեցին:

Օրիորդը շտապով շորերը հագաւ, Դաւիթի մօտ գնաց. նրան վեր առաւ, իւր սենեակը տարաւ, արիւնը լուացաւ. հաց կերան, Դաւիթի սիրտն առաւ:

*
**

Համգայ պահլաւանը մարդու գիր ուղարկեց, Խանդուղի հօրն ասաց.— Թագաւոր, աղջիկդ ինձ պիտի տաս, պատրաստիր, ուղարկիր:

Թագաւորն էլ իւր վագիրներին կանչեց, Համգայ պահլաւանի թուղթը կարգաց, հարցրեց.— Ի՞նչ էք ասում:

Ասացին. «Թագաւոր, քո կամքն է. դու գիտես:

Թագաւորն ասաց.— Այդ գօրաւոր պահլաւանի դէմ ի՞նչ պիտի անենք. բերէք, օրիորդին հագցնենք, ուղարկենք:

Թագաւորի պատիկ տղան առաջ եկաւ, ասաց. «Թագաւոր, քո աղջիկը որ Համգայ պահլաւանին ես ուղարկում, Մհերի տղայ Դաւիթին

Ինչ պատասխան պիտի տաս:

Ասաց.— Ի՞նչ Մհերի տղայ Դաւիթ:

Գնացին, Դաւիթին կանչեցին, բերին:

Եկաւ, գլուխ տուաւ, Թագաւորի առաջ կանգնեց:

Թագաւորն ու վագիրները զարմացան, հիացան.— Այդպէս էլ տղամարդ կլինի:

Ու բերին, Համգայ պահլաւանի գիրը Դաւիթի առաջ կարդացին:

— Դաւիթ, լսեցիր:

«Լսեցի»:

— Կարո՞ղ ես գնալ, Համգայ պահլաւանի գլուխը բերել:

«Կգնամ, կբերեմ»:

Թէ նրան սպանեցիր, աղջիկս քոնն է, թէ սպանուեցիր, նրան կտանք:

Իսկ Խանդուղ խանուամը լաց է լինում. նա շատ է փոշմանել, թէ ինչն է Դաւիթին խրնձոր զարկեց և քառասուն պահլաւանների նախանձը շարժեց: Եթէ ինքը Դաւիթին նշան չըտար, քառասնից մէկը կգնար Համգայ պահլաւանի դէմ կռուելու, Դաւիթը կմնար:

*
**

Դաւիթը ձին քաշեց, հեծաւ, գնաց, Խանդուղ Խանուամի առաջ կանգնեց, ասաց. — Խանդուղ-Խանուամ, ես գնում եմ. մեր կռիւր քառասունն օր է տևելու, թէ մինչև քառասունն օրը եկայ, եկայ. թէ չէ՛ ուրեմն սպանուած եմ. մարդու շորեր կհագնես, կգաս, դիակների միջից իմ դիակը կջոկես, թաղել կտաս»:

* * *

Դաւիթը քշեց ձին, գնաց, շատն ու քիչը Աստուած գիտէ, Համգայ պահլաւանի քաղաքն հասաւ: Հարցրեց, ցոյց տուին նրա պալատը: Ներս մտաւ: Պահլաւանը նստած էր աթոռի վրայ: Սարսափելի տեսք ունէր նա. ներքևի մուկը գետնովը քարշ էր գալիս:

Դաւիթը բարև տուեց. նա բարևն առաւ, հարցրեց.

«Ի՞նչ մարդ ես»:

Դաւիթն ասաց. — Խանդուղ Խանուամի մարդըն եմ:

«Ինչո՞ւ ես եկել:

— Եկել եմ, Խանդուղ-Խանուամի համար մի նշան տաս, տանես:

Համգայ պահլաւանն ճկոյթի մատանին հանեց, տուաւ, ասաց. «Ա՛ռ, տար»:

Դէն շաբաթեց Դաւիթը, ասաց. — Այդ ի՞նչ եմ անում:

«Հապա ի՞նչ ես ուզում, որ տամ, Խանդուղ-Խանուամի համար նշան տանես»:

Ասաց. — Քո գլուխն եմ ուզում, որ տանեմ, ուրիշ ոչինչ:

Համգայ պահլաւանը հերստտուեց. վեր թրուաւ տեղից, Դաւիթի վրայ յարձակուեց: Դաւիթըն էլ առաջ գնաց, իրար բռնեցին: Ամբողջ օրը կռուեցին, իրար քաշքշեցին: Վերջապէս Դաւիթը նրան գետին գլորեց, շոգերը կրծքին գարկեց, թուրը հանեց, գլուխը կտրեց: Գլուխըն առաւ, ձիու թամբից կախեց, ինքն էլ հեծաւ ձին ու քշեց:

* * *

Քառասունն օրն անցաւ, Դաւիթը չեկաւ: Խանդուղ Խանուամը կարծեց, թէ Դաւիթին սպանել են. մարդանակ շորեր հագաւ, զրահը կապեց, իւր ձին հեծաւ, ասաց.

— Գնամ, Դաւիթի դիակը ջոկեմ, բերեմ, թաղեմ:

Դաւիթը ճանապարհի կեսին տեսաւ՝ հեռուից մի ձիաւոր է գալիս, փոշին երկինք է բարձրացել:

Որ մօտեցան իրար, Դաւիթը նրան ճանաչեց, բայց նա Դաւիթին չճանաչեց:

Բարև տուաւ Դաւիթը, ասաց.—Ո՛ւր ես գնում, ո՞ւմ ես ուզում:

«Գնում եմ Մհերի որդի Դաւիթին գտնելու»:

—Նրան ես սպանեցի:

«Որ այդպէս է, եկ ես ու դու կռուենք:

Կռիւն սկսեցին, փոշի բարձրացաւ, դաշտը բռնեց, արևի երեսը ծածկեց: Ինչպէս եօթը գութան գցես, գետինը հերկես՝ այնպէս էր գետինը պատուում նրանց ձիերի ոտների առջև:

Չատ կռուեցին, իրար չյաղթեցին, որովհետև Դաւիթը սրտով չէր խփում:

Ապա ձիերից իջան, գօտեմարտն սկսեցին:

Դաւիթը Խանդուղ-Խանումին գետին գրտրեց. նա ասաց.—Թէ Աստուած կսիրես. ինձ մի սպանիր, ես կնիկարմատ եմ:

Դաւիթն ասաց. «Ես գիտեմ, որ դու կնիկարմատ ես: Միտդ է, որ ինձ խփեցիր, քիթ ու բերանս արիւն արիր. այս էլ թող նրա փոխարէնը լինի»:

Ուրախացաւ Խանդուղը, տեսաւ, որ դա իւր Դաւիթն է: Ձիերը հեծան և երկուսով կապուակող եկան:

Դաւիթը Համզայ պահլաւանի գլուխը տա-

րաւ, թագաւորի առջևը դրեց: Ուրախացաւ թագաւորը, իւր աղջիկը Դաւիթին տուաւ. եօթըն օր, եօթը գիշեր հարսանիք արին:

* * *

Կազմեցին, պատրաստեցին, ուղտեր բարձեցին. Դաւիթն ու Խանդուղ-Խանումը Սասուն են գնում: Քառասուն պահլաւանները եկան, Դաւիթի ձեռն ու ոտը համբուրեցին, ասացին. «Խանդուղ-Խաթունը հալալ լինի քեզ»: Եւ գրանք էլ Դաւիթի յետևից ընկան, գնացին:

Եկան Ծժմակայ-քիթին մօտեցան. Բանայ խանումը Դաւիթի առաջը կտրեց. ասաց.

—Դաւիթ, դու իմ հօր գութանի հացը կերար, իմ երեսն էլ չուզեցիր տեսնել. գնացիր, Խանդուղ-Խանումին կլին անար: Այժմ պիտի գաս, ինձ հետ կռիւ անես, թէ չէ՝ չեմ թողնիլ, որ գնաս:

Ասաց. «Այժմ հետս կնիկարմատ կայ. թող տանեմ Սասուն թողնեմ, եօթն օր էլ մնամ, ութերորդ օրը կգամ, կռիւ կանենք»:

—Երդուիր, որ կգաս:

Դաւիթն երդուեց. «Վկայ է Մարութայ բարձր Աստուարածին, խաչ պատրագին, որ իմ աջ թիկին»:

Ապա Սասունն եկան, եօթն օր, եօթը գիշեր էլ այտեղ հարսանիք արին. կերան, խմեցին, մեծ ու պստիկ ուրախացան:

Գաւիթը Բանայ խանութին տուած երգումը մոռացաւ:

Մի օր Գաւիթը կնոջն ասաց. «Խանդուղ-Խանում, մեղք են այս պահլաւանները. հինգ-տասը տարի քո յուսով են մնացել, այժմ էլ մեզ ճանապարհելով այստեղ են եկել: Երգուել եմ, որ սրանց Գիւրջիստան տանեմ, քառասուն աղջիկ ընտրեմ, դրանց հետ պսակեմ:

Խանդուղ-խաթունն ասաց.— Այ մարդ, դու իմ մեղքի տակ մտար, մօրից, հօրից ինձ հանեցիր, այստեղ բերիր. հիմի էլ ինձ թողնում ես, գնում. եթէ քեզ տղայ լինի, աղջիկ լինի ի՞նչպէս պահեմ:

Գաւիթը հանեց, մի ոսկի ապարանջան տուաւ՝ ոսկին անգին քարերի մէջ չէր երևում:

Ասաց՝ թէ որ տղայ եղաւ, աջ թևին կկապես, թէ աղջիկ եղաւ, կծախես, իրան կտաս, նրա տղի տղան էլ ուտի՝ չի վերջանալ:

*
**

Գաւիթն ու քառասուն պահլաւան ձիերը հեծան, դէպի Գիւրջիստան գնացին: Չառն ու

քիչը Աստուածը գիտէ, հասան մի տեղ, որից չորս ճանապարհ են գնում: Տեսան՝ մի ալևոր ծերունի այնտեղ նստած. բարև տուին, բարևն առաւ: Ծերունին հարցրեց.

— Ո՞րդիք, մըր էք գնում:

Պատասխանեցին. «Գիւրջիստան»:

Ասաց.— Ինչո՞ւ էք գնում:

«Աղջիկ ուզելու»:

— Թէ լաւ աղջիկ էք ուզում, Ատրբէյջան գնացէք:

Եւ ցոյց տուաւ Գաւիթին Ատրբէյջանի ճանապարհը:

Գաւիթն ու պահլաւանները դէպի Ատրբէյջան գնացին, Ատրբէյջանի քաղաքը հասան: Քաղաքի մօտ քառասուն աղջիկ տեսան, մէկը մարդանակ էր հագնուած:

Բարև տուին, բարև առին:

Այն մէկը, որ մարդու շորեր էր հագած,

Գաւիթին դարձաւ, հարցրեց.

— Ի՞նչ մարդ էք, դրանք քո ի՞նչն են:

«Այդ քառասունն էլ իմ եղբայրներն են:

Իսկ այդ աղջիկը քո ինչն են:

— Բոլորն էլ քոյրերս են:

«Գնա քո քոյրերն իմ եղբայրներին տաս:

— Ես կտամ, թէ կարող էք, տարէք:

Ասաց. «Կտանենք, Աստուծով կտանենք:

— Աստուած ի՛նչ է:

«Աստուած նա է, որ մեզ ստեղծել և պահում է:

— Դուք մեր կուռքերը չէք պաշտում:

«Չէ, մենք Աստուած ենք պաշտում:

— Եթէ դուք իմ քոյրերին տանէք, մեր կուռքերը կզան, կկուռեն, ձեր ձեռքից կխլեն:

«Թող զան, ասաց Դաւիթը:

Եւ քառասուն աղջիկն առաւ, պահաւաններն հետ Ատրբէյջանից յետ դարձաւ:

Իսկ նա՛ որ մարդանակ էր հագնուած, նրանց ճանապարհեց, յետոյ ինքը քաղաք եկաւ, կռատուն մտաւ. կանչեց կուռքերին, ասաց.

— Օտար մարդիկ եկան, մեր աղջիկներին փախցրին, տարան:

Կռատնից ձայն բարձրացաւ, գոռում, գոչին, աղաղակ. «Օտար մարդիկ եկան, մեր աղջիկներին փախցրին, տարան»:

Ամբողջ քաղաքը ոտքի կանգնեց. զէնք ու զրահ կապեցին, ձիաւորուեցան, թրեր քաշեցին, Դաւիթի ետևից ընկան:

*
* *

Դաւիթը, պահաւաններն ու աղջիկերը աւելոր ծերունուն հասան: Նստեցին, կերան, խը-

մեցին, ուրախութիւն արին:

Յետոյ Դաւիթը ամեն մի պահաւանի մի աղջիկ տուաւ և մի առանձին երկիր, ամենքն էլ ուրախացած իրանց տեղերը գնացին:

Դաւիթը մենակ մնաց: Մէկ էլ տեսաւ, որ Ատրբէյջանի քաղաքի մեծն ու պատիկը զինուած, ձիաւորուած իւր չորս կողմը պատեցին:

Դաւիթն էր, ձի հեծաւ, թուրը քաշեց և նրանց մէջ ընկաւ. որին սպանեց, որին փախցրեց, ոչինչ չթողեց: Այդպէս կոտորելով էլի Ատրբէյջանի քաղաքը հասաւ: Ման եկաւ այդ տեղ, մի աղջիկ տեսաւ: Մի աղջիկ, այնքան սիրուն, գեղեցիկ, որի նմանը Դաւիթը չէր տեսած: Դու մի ասիլ՝ այդ աղջիկը թագաւորի աղջիկն է. հէնց դա էր, որ մարդանակ հագուած իւր քառասուն նաժիշտներն հետ Դաւիթին պատահեց և նաժիշտներին էլ նրա հետ ճանապարհեց:

Դաւիթն այդ աղջկանն էլ վերցրեց, ձիու գաւալն առաւ, քշեց դէպի Սասուն:

*
* *

Դաւիթին մի տղայ էր եղել, անունը Մհեր էին դրել: Ուրիշը տարով է մեծանում, նա օրով մեծացաւ, ուրիշը ամսով՝ նա ժամով: Վեց

տարեկան էր Մհերը. մի օր ձի հեծաւ, դուրս եկաւ քաղաքից զըօսնելու: Տեսաւ մի ձիաւոր է գալլս՝ գաւակլին մի սիրուն աղջիկ. կանչեց Մհերը, ասաց.— Այդ աղջկանը ո՞ւր ես տանում, այ ծերունի:

Դաւիթը, որ վախ ասած բանը չգիտէր, վախեցաւ: Ասաց.

Չատ ծովեր եմ մտել,

Ձիուս ոտը չի թրջուել.

Մար ու ժայռեր եմ ման եկել,

Դիմացս մարդ չի կանգնել.

Փոքրիկ տղայ եմ տեսել,

Նեռուից եմ վախեցել.

Սարե՛ր, ձորե՛ր, օգնեցէք,

Այս տղայից ինձ փրկեցէք:

Ասաց, բայց և ձին քշեց, դէպի մանուկ ձիաւորը գնաց. նա էլ ձին քշեց, Դաւիթի վրան յարձակուեց: Իրար հետ բռնուեցին. կռիւն սկսուեցաւ, մի սարսափելի կռիւ: Փոշու ամպ բարձրացաւ, երկնքի երեսը բռնեց:

Դաւիթի թաշկինակն ընկաւ. քամին առաւ, տարաւ, Խանդուղ-խանումի դռան առաջ վէր գցեց:

Խանդուղ-խաթունը դուրս եկաւ, նայեց՝ փոշին աշխարհս բռնել է: Յած նայեց, թաշկինակը տեսաւ. ճանաչեց. վեր խաւաւ, նայեց,

ըթին ու բերանին տարաւ, ասաց. «Դաւիթի թաշկինակն է:

Իսկ փոշին աւելի բարձրանում է, դաշտը դղրդում է, Մհերն էլ տանը չէ:

Խանդուղ-խաթունը ելաւ, ձին հեծաւ, քրչեց, գնաց, տեսաւ որ Դաւիթն է ու Մհերը, իրար բռնել, կռուում են. ինչպէս երկու սար գնան, գան, իրար դիպչեն, այնպէս են Դաւիթըն ու Մհերը իրար առել:

Խանդուղ-խաթունը կանչեց՝ ասաց.

«Սարե՛ր, ձորե՛ր ստեղծող Աստուած,

Դու հայր ու տղայ իրարուց ջոկես»:

Որ ասեց, երկուսն էլ ձիերից իջան. իրար հասան, գօտեմարտն սկսեցին:

Մհերը Դաւիթին վերցրեց, գետին զարկեց. Դաւիթը կէսով հողի մէջ խրուեց: Մհերը դանակ հանեց, Դաւիթի վիզը պիտի կտրէր:

Դաւիթը լաց եղաւ, ասաց. «Ա՛յ տղայ, դու որ ինձ սպանում ես, իմ կտրճի ձեռքից ինչպէս պիտի ազատուիս:

Ասաց.— Քո կտրիճն ո՞վ է:

Ասաց. «Իմ կտրիճն այն է, որ ոսկի ապարանջան ունի թևին կապած:

Տղան նայեց իւր թևին, տեսաւ՝ ոսկի ապարանջան կայ իւր թևին կապած, լաց եղաւ, Դաւիթի ձեռքն ու գլուխը համբուրեց, ասաց. «Դու

իմ հայրն ես, մեղայն»:

Հայրն ասաց. — Ո՛րդի, անմահ լինիս, անժառանգ:

Աստուած լսեց, կատարեց. Մհերը մնաց անմահ, անժառանգ:

Գարձան, իրանց տուն գնացին: Գաւիթը Ատրբէյջանի թագաւորի ազգկանը Մհերին տուաւ, պսակեց. եօթն օր, եօթը պիշեր հարսանիք արին, կերան, խմեցին, ուրախացան:

Մհերն իւր կնոջն առաւ, Ատրբէյջանի քաղաքը գնաց, եղաւ այնտեղի թագաւոր:

* * *

Մնացին Գաւիթն ու Խանդուղ-խանումը:

Գաւիթն ասաց. «Կնիկ, տղայիս պսակեցի, թագաւոր ուղարկեցի Ատրբէյջան, էլ թըշնամի շմնաց, ամենքին իմ թուրը կտրեց. տեղ չմնաց, ոտի տակ տուի. վեր կաց, մի սղինձ ջուր տաքացրո՛ւ, ինձ լողացրո՛ւ:

Գաւիթը շորերը հանեց, որ լողանայ: Կինը նայեց, տեսաւ, որ թևի վրայի խաչը սևացել է:

Դժուարացաւ կնիկը, լաց եղաւ:

Գաւիթն ասաց. — Կնիկ, ի՛նչ է պատահել:

Ասաց. «Թևիդ խաչը սևացել է:

— Այս ի՛նչ եմ արել, կնիկ, ես երդմնակոտոր եմ եղել. երդուեցի, Բանայ խանումին խօսք տուի, թէ եօթը օրից կզամ, եօթն օրը եօթը տարի դարձաւ. կնիկ, ես գնացի:

Իսկոյն վեր կացաւ, Քուուկիկ Ջալալին հեծաւ, թուր կայծակին կապեց, գնաց, Բանայ խանումին հասաւ:

Բանայ խանումն ասաց. «Գաւիթ, դու երդուեցիր եօթն օր, մնացիր եօթը տարի. ես էլ քեզ սպասելով մարդու չգնացի»:


Ասաց. — պատրաստուիր, կուուկնը:

Ասաց. «Մի ժամ ժամանակ տուր, շորերս հագնեմ, զրահս կապեմ, գամ»:

Գաւիթը ձին կապեց, գետի ավին իջաւ, շորերը հանեց, լողացաւ:

Բանայ խանումն իւր հօր գութանի խօփը՝ քառասուն լիտր պողպատ, հնոցի մէջ գրեցեց, կարմրացրեց: Գաւիթը ջրից դուրս եկաւ, շորերը հագաւ, գետի ավին նստեց, Բանայ խանումին է սպասում: Իսկ խանումը կարմրած խօփն առաւ և կամրջից այնպէս զարկեց, որ Գաւիթը տեղը մնաց:

Գաւիթը մեռաւ. ձին կապը կտրեց, դուրս թռաւ. որքան հովիւ, նախրորդ, ձի, տաւար պատահեցին, բոլորին կոտորեց. Սասուն հասաւ, Խանդուղ-խանումի դռան առաջ կանգնեց:



12. Յ. Հարարեղիան—Սասունցի Դաւիթ դիւ-
ցազն — 20

Գ Տ Ն Ի Ո Ի Մ Ե Ն Ի Պ Ա Յ Ե Ս Տ.

13. Վիճելիւմ—Թէլ—կամ Հելուետիայի ազա-
տութիւնը—բանաստեղծական յո-
րինուած Ֆլօրիանի. Թարգմ. դադ.
լեզուից (սակաւաթիւ) — 40
14. Օրիվեր—Գօլգամիթ—վէքֆելդի երէց, Քը-
րանսիականից Թարգմ. Մ Բու-
գաղեանց (սակաւաթիւ) 1 —
15. Բաֆֆի—Պարոյր հայկազն (Պրոյերեսիոս) — 20
16. — Ո՛վ էր մեղաւոր — 20
17. Հոֆման, Ֆրանց—Հաւատարմութիւնը ա-
մեն արգելքներին յաղթում է,
Թարգմ. Յար. Առաքելեանցի . — 40
19. Հոֆման Ֆրանց—Խաւարից դէպի լոյս,
Թարգմ. Յար. Առաքելեանցի . — 40
18. Լէսսինգ—Նաթան իմաստուն—գրամատի-
կական բանաստեղծութիւն, 5 գոր-
ծողութեամբ Թարգմ. Գ. Բարխու-
զարեանց — 60
20. Շիլլեր—Վիլհէլմ Տէլլ—գրամա 5 գործո-
ղութեամբ, Թարգմ. Գէորգ. բար-
խուզարեանց 1 —
21. Շիլլեր—Դօն Կարլոս. գրամական բա-
նաստեղծութիւն, 5 գործո. Թարգմ
Գ. Բարխուզարեանց 1 —
22. Շիլլեր—Օրլեանի կոյսը, վիպասանական

«ԿՈՎԿԱՍԵԱՆ ԳՐԱՎԱՃԱՌԱՆՈՅԻ»

Ջաբ, Գրիգորեանցի հրատարակութիւնները՝

Ռ. Կ.

1. Ա. Մ. Յ. Պ.—Գիւցաղունք ըստ Խորենացւոյ՝ Հայկ, Արամ, Վահագն. պատկերներ պատմական կեանքից . — 30
2. Պօրւհմպէրիպլ-(մանկական թատրոն) կատակերգութիւն 2 արարուածով, թարգմ. Յով. Նազարեանց . . — 20
3. Գամառ—Քամիպան—մանկական ստանաւորներ և երգեր. — 20
4. Նզնիկ—քնյ. Նրզնկեանց—մանկական երգեր և պար-երգեր — 20
5. Նզնիկ քնյ Նրզնկեանց—Չայնագրեալ մանկական երգարան՝ երգեր և պար երգեր ՚ի հրահանգ և ՚ի պէտս հոգևոր դպրոցաց հայոց — 40
6. Նզնիկ քնյ Նրզնկեանց Չայնագրեալ ազգային երգարան հայ դպրոցներէ համար — 80
7. Մերենց Նրկունք Թ. դարու 1 —
8. — Թէսոգորոս Ռշաունի 1 —
9. — Թորոս Լևոնի 1 —
10. Գրիգորեանց Ջաբ—Ջուր—տարրական նախագիտելիք բնական գիտութեան, 11 պատկերներով . . . — 35
11. — Մարգալակագմութիւն — տարրական գասեր, 18 պատկերներով դպրոցներէ համար — 50

2013

12834

